

A D

REVEREN-  
DISSIMOS PATRES.  
GRAVISSIMOS, DOCTIS-  
SIMOSQUE VIROS,  
ECCLESIARUM ANGLICANARUM  
DOMINOS EPISCOPOS.

---

1 Reg. 18. 21.

*Quousque claudicaturi estis in duabus opinionibus. Si Iehona est  
Deus ipse, sequimini eum. Sin autem isforum  
Babhal, sequimini eum.*

Psal. 2. 12.

*Osculamini filium ut non irascatur, & pereatis in via, si exar-  
serit vel minimum ira ejus. Beati omnes qui se  
recipiunt ad eum.*

Philip. 2. 21.

*Omnes quæ sua sunt quarunt, non quæ Christi Iesu.*

Act. 9. 5.

*Durum est contra stimulos calcitrare.*

2 Tim. 2. 7.

*Confidera quæ dico: Det tibi Dominus intelli-  
gentiam in omnibus.*

---

ANNO MDCXXV.

A D

REVEREND

DISSIMOS

787,008





A D  
 REVERENDISSIMOS  
 PATRES, GRAVISSIMOS, DOC-  
 TISSIMOSQUE VIROS,  
*Ecclesiarum Anglicanarum*  
 DOMINOS EPISCOPOS.

**R**everendissimi Patres, & Præsules  
 amplissimi, si Iob serui sui causam non Iob 31. 13.  
 spreuerit, nec ancillæ suæ litigantium  
 secum, spero mihi veniam apud vos  
 fore vos compellendi, nec ægrè vos la-  
 turos me vobiscum paucis de quibus-  
 dam exostulare: quæ tum Dei gloriam, tum harum  
 ecclesiarum, nec non & totius hujus regni bonum, &  
 vestram quoque salutem spectant. Si ut homines estis  
 hominum more mihi pro veritate loquenti succen-  
 fueritis, fiat voluntas Dei. Non sum primus, cui veri-  
 tas, odium peperit. Socii mihi sunt prophætæ, aposto-  
 li omnes: Ipse Dominus Iesus Christus. *omnium fors*  
*est qui pie volunt in Christo Iesu vivere persecutiones pati.* 2 Tim. 3. 12  
 Latine potius scribo quàm Anglice (licet ne juvenis  
 quidem orator bonus fuerim, & nunc nullus omninò  
 sim) primò quia quæ vobis dico, à vulgo nollem intel-  
 ligi: secundò ut aliarum tamen gentium hic incolæ,

causæ agenda æquitatem intelligant, eamque suis precibus juuent. Modeste profecto dicam omnia, ita tamen liberè, ut nemo mihi vel timiditatis, vel adulationis crimen justè ascribat. Vos interim videte, utrum æquo animo quæ sum dicturus accepturi sitis omnia: an iram vestram contra me exilire passuri. Hoc tamen cogitate, *miseriordes beatos esse, & misericordiam consecuturos*. Sic & *judicium sine misericordia fore iis, qui misericordiam non faciunt: Misericordiam autem adversus judicium gloriaturum*. Vtrum horum mauultis accipite. Tantò audaciùs omnia eloquar, quia me unum ex iis esse cupio, *quibus Deus non dedit spiritum timiditatis*, sed tam roboris (sive fortitudinis) quàm charitatis & sobrietatis. Ab omni tamen iusta indignationis vestræ irritatione (quantùm potero) abstinere: quia etsi omnes Christiani debeant alii alios admonere, & adhortari; nec non etiam (si opus fuerit) reprehendere, si tamen Timotheo mandauerit Paulus, *ne seniore in-creparet, sed hortaretur ut Patrem*, tum multò magis hoc aliis incumbit; ac proinde talem qualis sum ego maximè decet omni erga vos reuerentia uti, quos ut Patres appello, ita etiam propter vestram ætatem, eruditionem & gravitatem pro Patribus, verè & ex animo agnosco. Naamanem Syrum serui sui patrem dixerunt, & tamen simul etiam reprehenderunt, quòd Elisæ mandatum de se septies in Iardane lauando tam indignè tulisset. Naaman nihilominus seruorum suorum consilium non dedignatus, est secutus. Ita ergo & vos Patres, sequentem hunc meum sermonem æquo animo ferre, licet fortasse durior, quàm expectatis, vel saltem desideratis.

2. Sed præfationem omnem fusior, mittens, & verborum ambages hujus temporis iuuenibus relinquens,

quens, ut quibus, vos pro magna vestra & gravitate & prudentia non delectari putem: ad rem ipsam accedo, & à vobis humiliter peto, licere mihi tum vobiscum de multis expostulare, tum & pro eorum aequitate de quibus sum expostulaturus gratiam illam impetrare, quam hactenus multis petentibus negastis. Etsi liberè me omnia dicturum præfatus fuerim, nemo tamen me ex odio quicquam dicere putet. Ex animo profectò vobis omnibus bona omnia precor, & ex Christiano erga vos amore omnia scribo. Si quis se vulneratum senserit hic cogitet, *fidelia esse amici vulnera, deprecanda verò oscula foris*. Licet etiam omnes episcopos generaliter compellem, episcopalem tamen ordinem potius intelligo, quam singulas episcoporum personas. Novi quidem magnum esse discrimen, & quosdam ex vestro ordine, non tantum doctos & viros graves, sed etiam pios agnosco, tantòque majore reverentia dignos, utcunque pro præsentis partim mundanis honoribus, plus satis elatos, nec non & hujus seculi divitiis in rebus quibusdam plurimum excæcos. Si enim munus *Exod. 23, 8.* ipsos oculatissimos, (id est acutissimos & perspicacissimos) excæcat, quantò magis hoc potest tantus divitiarum fallacium cumulus quanto vos affluitus, ut & honorum illa amplitudo, qua vos fruimini? Non equidem audeo tantam mihi cum Petro, fortitudinem polliceri ut ab ejusmodi illecebris non ipse metuam. Quid enim? An optimus ille Agur Deum precatus est, *Pr. 30, 8, 9.* ne sibi paupertatem aut divitias (amplas scilicet) daret, idque ne saturatus eumentiretur, & diceret, *quis est Iehovah*, & ego meipsum in divitiarum & honorum magno mari tutum putarem? Vos ergo secundum Christi secundæ tabulæ interpretationem, & regulam *Mat. 22, 39.* omnibus datam de proximis diligendis, tanquam me-

ipsum diligens, non possum tantò meliora de quibusdam ex vobis sperare, quantò deteriora mihi metuo si in eodem me loco Deus posuisset ad quem vos exivit. Imò, tanto magis hoc mihi metuo, quia ut ipsis *amicis, quinetiam & fratribus odio sunt pauperes* (heu quantum quotidiana experientia hoc testatur?) *ita divitis multi sunt amici, non tam veri, quàm adulatorii*: adeoque & tantò periculosiores.

PROV. 14. 20  
& 19. 7.

3. Vt planius adhuc res ipsas explicem de quibus veniam mihi peto vberius vobiscum expostulandi, sunt inprimis, Euangelii cursus jam diu à vobis impeditus, & multiplices injuriæ, quibus Euangelii ministros per sexdecem jam annos (ne plures dicam) atrociter affecistis. Quo major ipse Christus: quò præstantius ipsum Evangelium, quò animarum salus pretiosior, pretiosissimo Christi sanguine empta, eò majus peccatum est euangelii cursum & propagationem impedire. Quo Euangelii ministri omnes sunt Christo conjunctiores, *ut quos amicos suos dixerit, & quibus omnia nota fecerit, quæ ipse à patre suo audivit*: Quò disertioribus verbis Christus dixerit *eos qui ipsos audirent audire & ipsum, & qui ipsos rejicerent eos & ipsum rejicere, &c.* Quò eorum minimum majorem dixerit non tantum prophetis vel maximis, sed & ipso Iohanne Baptista, quem tamen prophetis anteponit, & de quo dicit, *inter eos qui genuuntur ex mulieribus majorem Iohanne non surrexisse*, Quò honoratioribus sæpe titulis scriptura ipsos ornat: Quò denique graviora tum sæpe comminatus tum etiam executus est Deus judicia contra eos, qui vltos ex suis nuntiis subsannauerant, & verba sua quæ ipsi essent elocuti spreuerant: eosque (non tantum pueros *Ps. 105, 14.* & viros plebeios, sed ipsos etiam potentissimos Reges) eò sane gravius peccatum est, quicquid contra vltos Euan-

1 Pet. 1. 19.

Iob. 15. 15.

LUC. 10. 16.

MAT. 11. 9,  
10, 11.

2 Chron. 36,  
26.

Euangelii ministros feceritis. Quanta ergo illa omnia quæ perpetrastis in ipsorum suspensione, abdicatione, & excommunicatione, aliisque multis, plenius statim dicendis?

4. Priora omnia & alia plurima tantò majora, <sup>Episcoporum</sup> <sup>avaritia in fra-</sup> <sup>trum suorum</sup> <sup>aliorumq; pro</sup> <sup>ipsis petitioni-</sup> <sup>buss repellendis</sup> quantò magis inexorabiles fueritis, auresque vestras (ordinis vestri aures intelligo, non singularum personarum) semper occluseritis, non ipsis tantum ministris pro seipsis humilimè supplicantibus, sed & aliis etiam non contemnendis viris: imò quibusdam quoque nobilibus pro ipsis apud vos intercedentibus (vt aliquando principes Iehudæ, omnesque populi seniores sese pro Ieremia interposuerunt, & sacerdotibus op- <sup>Ier. 26, 16.</sup> posuerunt) & quantò majore cum dedignatione omnes tum ipsorum ministrorum supplicationes, tum aliorum pro ipsis ejusmodi petitiones quasi a tergo vestro rejeceritis, & sub pedibus quodammodo vestris contriueritis: ac si scilicet ipsas spreuissetis (vt loquitur Iob) aut spreuissent, qui ita ipsos rejecerunt tanquam <sup>Iob 30, 1.</sup> indigni essent ipsorum parentes, qui juxta gregum vestrorum (aut saltem ipsorum) canes ponerentur. Ex ipsis tamen nonnulli æquè tum de parentibus ipso- rum, tum de sui ipsorum & ortu & educatione gloriari possēt, atq; vel plurimi ex vestro ordine, vel ipse Paulus <sup>Philip. 3, 5.</sup> <sup>Gen. 33, 3.</sup> <sup>Heb. 12, 16.</sup> de similibus gloriatus est: idque sine ulla omninò arrogantia. Iahhakobum septies se incuruantem fratri suo Esau, viro impio & prophano, Esau quidem prius contra Iahhakobum durissimus, sed multiplici illa incurvatione flexus & lenitus, amantissimè anplexus, & cum lachrymis est osculatus, etiam nullum peccatum agnoscentem. An vos (reverendissimi Patres) meliore spiritu instructi, vestris fratribus ipso Esau duriores vos exhibebitis? An negabitis ipsos vestros esse fratres,

fratres, ex eodem patre, & eodem semine natos, ejusdem vobiscum regni cælestis hæredes, eandem ecclesiam matrem habentes; & eandem Christianam doctrinam in omnibus fundamentalibus (vt loquuntur Theologi) vobiscum tenentes? An in rebus quibusdam levioribus (vt vos ipsi loquimini) differentia, tantam animorum alienationem faciet? An non satis est quod contra eos hætenus fecistis? Quæ autem sunt in quibus à vobis dissentiant, nisi eadem in quibus à vobis quoque dissentiant, tum iudicio tum praxi, exteræ omnes ecclesiæ reformatæ, & exterarum omnium ecclesiarum reformatarum viri doctissimi, prudentissimi, & integerimi? An vos soli sapitis? An vobiscum est moritura sapientia? An vos soli docti? An vos soli pii? Præterea quæ sunt illa in quibus vos ab ipsis dissentitis, & pro quibus tantopere contenditis, & digladiamini? Eadem profectò in quibus vobiscum Papa & papistis convenit. Sed hac de re plura post. Quod vos sæpe fortasse hortati fuerint mediocribus divitiis, & licitis honoribus contentos esse, id sanè non ex invidia aut contra vos odio, sed tum ex verbi autoritate, tum ex charitate factum arbitramini.

Job 12, 2.

5. Ad animos vestros erga illos vestros fratres melius pacandos, vosque ipsos magis placandos, cogitate obsecro, quantæ tandem poterint esse conscientiarum vestrarum vires, ad vos nihil ejusmodi somniantes accusandos, quanti stimuli ad vos pungendos, nisi interrim seueritatis vestræ vela remisistis, mitiusque posthæc cum ipsis egeritis. Heu, heu, an obliti prorsus estis, fratres Iosephi post viginti ad minimum annos elapsos, recordatos quid fecerant Iosepho? An vobis effluxit ipsos prioris sui sceleris reos, & Iosephum nescientes, nemine aliorum ipsius causam agente, nec ipso

Conscientia  
vires.

Genes. 42,  
9. &c.

Iosephi fra-  
tres.



ipſo Iosepho quicquam ipſis objiciente , aut expre-  
brante , ſed ipſorum tantum conſcientiis ipſos accu-  
ſantibus , urgentibus , prementibus , alterum ad alte-  
rum dixiſſe , reos proſecto ſe fuiſſe fratris ſui cauſa , <sup>verſ. 21.</sup>  
ut qui antè ipſius anguſtiam vidiſſent , cum depreca-  
retur ipſos , nec tamen audiviſſent : ac proinde præ-  
ſentem illam anguſtiam ſibi accidiſſe ? Imo , et Reu-  
benem illud ipſorum flagitium amplificaviſſe , quod  
ipſe eos allocutus fuiſſet , & monuiſſet , ne ita pecca-  
rent in Iosephum , ipſos vero noluiſſe auſcultare , ac  
proinde ſanguinem illius tum demum ab ipſis requiſi-  
tum ; Erant iſti Iosephi fratres eccleſiæ patres , nec non  
patriarchæ. Tanto ergo accommodatius eſt hoc exem-  
plum vobis , qui jam huius eccleſiæ patres appellamini. <sup>Act. 7, 8, 9.</sup>  
Hoc ergo vobis in tempore accommodate , ne nimi-  
um ſero alter alterum accuſetis , quod fratrum veſtro-  
rum anguſtiam videritis , imo et moleſtiam ipſis fece-  
ritis ipſi ( multis inquam , non uni ) nec tamen ab ip-  
ſis , nec ab ullo alio pro ipſis exorari volueritis. Quan-  
to durius jugum ipſis impoſuiſtis , aut impoſituri eſtis ,  
videte ne tantò gravius conſcientiis onus attrahatis.  
Ne vobis adulemini. Graviora proſecto ſunt quæ vos  
veſtris illis fratribus feciſtis , quàm illa Iosephi à fra-  
tribus ſuis venditio. An vobis tantus unquam ſperan-  
dus fructus ex iis quæ fratribus veſtris feciſtis , quantus  
ex ſumma & admirabili Dei providentia fratribus illis  
Iosephi ſecutus eſt ? Si metuendum ſit à foro con-  
ſcientiæ , quantò magis metuendus à foro Dei ? <sup>1 Ioh. 3, 20.</sup> *Si*  
*cor noſtrum condemnet , Deus corde noſtro major eſt , &*  
*omnia novit.* Nullus curiarum veſtrarum regiſtrarius  
ita diligenter , & tanta cum fide , acta veſtra rotulis , &  
libris veſtris inſcribit , atque veſtra conſcientia. Tan-  
dem apud Dei tribunal ſiſtemini , omnium quæ fratri-  
bus

bus feceritis rationem reddituri, omni humano auxilio, & mundana pompa nudati, nullisque vestris ministris stipati: tanto duriores sententiam à summo iudice audituri, idque ex conscientiarum vestrarum contra vos testimonio, quantò vos ipsi duriores contra fratres sententiam sæpe dixeritis; idque sine accusatoribus, sine testibus. Imò in hac ipsa fortasse vita, id vobis accidet, propter quod clamabitis, nullam tamen gratiam inventuri. *Qui enim obthurat aurem ad*

*Prov. 21, 13. clamorem tenuis, etiam ipse clamabit, sed non exaudietur.*

6. An non Dominus noster Iesus Christus Iohan-

*Ioh. 13, 13. nem, quem dilexit, ut & alios quosdam condiscipulos*

*Marc. 9, 38. reprehendebat, quòd quendam, qui Christi nomine*

*Lucæ 9, 49. dæmonia eiecerat, prohibuissent: idque quia ipsos*

noluit sequi ad Christum ipsum euntes? An non

hæc prohibitio erat suspensio? An non ipsorum re-

prehensio, tantò gravior quòd ab ipso Christo esset?

An non causa ipsa propter quam illi discipuli conjun-

ctim ita ipsum prohibuerunt videtur iusta, quòd scilicet

ille ita prohibitus noluerit ipsos sequi, idque ad

ipsum Christum proficiscentes? An non plurium

discipulorum autoritas tanta quanta nunc est unius

Episcopi, cancellarii, archidiaconi, vel commissarii?

Singula hæc (obsecro) considerate, & cogitate quid

tandem responsuri sitis eidem Christo, in gloria Patris

sui venturo, omnibus suis angelis comitato, & quando

vos ipsos pudebit, quot & quantis silentium imposue-

ritis, & cum illis sacerdotibus Anania pontifice, Chai-

pha, Iohanne, Alexandro, &c. mandaveritis *ne omninò*

*loquerentur, vel docerent in nomine Christi: Christus*

autem ipse à vobis quæret, vel potius vobis objiciet

vestrum illud facinus. An ex vobis ullus major illo

Iohanne? aut ullo alio ex ipsius discipulis? An ullus

præ-

*Az. 4, 5, 18*



præsertim illis omnibus conjunctis major? An maius  
 tum erat opus dæmones ex hominum corporibus eji- Act. 26, 18.  
 cere, quàm hodiè hominum animas liberare diaboli  
 vinculis, & ipsorum oculos (scilicet mentis) aperire,  
 quò à tenebris ad lucem convertantur, & à potestate  
 Satanæ ad Deum, &c? An vos sequi plus est quàm  
 sequi Apostolos? Imò, an qui vos sequitur & vobis  
 obtemperat in vestra subscriptione, & conformitate,  
 vos sequitur ad Christum? Non audeo profectò ne-  
 gare, multos verè pios subscribere, & se cæremoniarum  
 observæioni subijcere; sed multos aio hæc facere, ex  
 vestræ severitatis magis metu (cum multis ex Iudæo- Ioh. 12, 42.  
 rum Primoribus) quàm ex recto Christi amore, aut  
 sana saltem rerum ipsarum approbatione: Nego  
 etiam subscriptionem & conformitatem ad Christum  
 ducere, sed potiùs à Christo abducere, & ad Anti-  
 christum trahere: ut quæ ab ipso primùm instituta  
 erant, aut quæ viam ipsi straverunt: & quæ deniq;  
 cum ipso & ipsius jam synagogis, communionem po-  
 tiùs habent, quàm cum ullis aliis Christi ecclesiis re-  
 formatis. Postremo, an ex verbi ab illis vestris fra-  
 tribus prædicatione, negabitis Deum operatum esse  
 fidem? An non *per fidem potentes fiunt homines ad igni-* Ephes. 6, 16.  
*ta omnia Mali illius tela extinguenda?* Imo, *per fidem*  
*superamus mundum,* adeoque & mundi principem diabo- 1 Ioh. 5, 4.  
*lum.* Negantibus vobis, ex illorum vestrorum fra-  
 trum prædicatione, dæmones multorum cordibus  
 ejectos, reclamabunt multi hoc experti: & illorum 2 Cor. 3, 2, 3  
 fratrum facti literæ commendatitiæ: Reclamabunt  
 vestræ conscientiæ.  
 7. Cum prioribus cogitate Iehoschuam petentem  
 ex juvenis cujusdam querimonia, Eldadum & Meda- Num. 11, 26  
 dum à prophetando in castris prohiberi, non tantum 27.

non placuisse Mofi, sed acriter etiam à Mose fuisse increpatum : quineriam optasse Mosem totum Dei populum prophetas fuisse, ex spiritu Dei ipsis infuso. Nisi ergo negare poteritis, fratribus illis vestris spiritum prædicandi à Deo fuisse inditum : nec prædicandi tantum, sed etiam secundum verbum ab ipsis prædicatum vivendi: Nisi etiam poteritis negare utraq; ista à vobis ipsis in ipsorum tum ordinatione, tum institutione fuisse approbata : quo jure (proh dolor) potestis ipsos à prædicando prohibere ; & ita prohibitos tam diù tenere ? Quid, quòd etiam Paulus, & lætatus fuerit, & se lætaturum dixerit de verbi à quibusdam prædicatione ; licet per invidiam & contentionem, & non purè : idq; ita ut vincula ipsius graviora fecerint ? An vos ergo puræ Christi prædicationi, sine ulla invidia & contentione invidetis ? An præsertim ita prædicantibus, silentium imperabitis ? Quis justè potest conqueri ullius ex ipsorum prædicatione vincula augeri ? Imò multorum potius vincula & nexus solvuntur, qualis erat ille injustitiæ nexus, quo Simonem Magum irretitum teneri dixit Petrus ; & propter quem ipsum à malitia sua resipiscere est hortatus : & quo omnes constrikti, nullam habent partem vel sortem cum reliquis sanctis, sed corde potius sunt non recto coram Deo. Quid ergo ? An vos majore estis autoritate ad silentium vestris fratribus imponendum, quàm erat Paulus ad illos ita prædicantes coercendos. Neminem ex vobis ita dicturum arbitror. Neq; hìc prætereunda gravissima Victoris Episcopi Romani reprehensio ab Irenæo propter plurimarum Ecclesiarum integritatem, imo omnium Asiaticarum ab ipso excommunicationem, quòd in tempore tum celebrandi paschatis, tum jejunandi

Philip. 1, 15.

Act. 8, 22,  
23.

Enseb. hist.  
eccles. lib. 5,  
cap. 23.

nandi, aliisq; ejusmodi rebus cæremonialibus commun-  
 ionem non tenerent cum ecclesia Romana. Quan-  
 tùm quæso discriminis inter illam Victoris commu-  
 nionem sibi & suæ ecclesiæ Romanæ à reliquis eccle-  
 siis tunc arrogatam, & hanc vestram conformitatem  
 fratribus vestris a vobis nunc imperatam? Deniq; non  
 hîc prætereundum Pauli testimonium, quòd nempe  
 Iudæos dicat fuisse omnibus hominibus adversarios, <sup>1Thes. 2, 15.</sup>  
 idq; probet ab ipsorum prohibitione Apostolorum, ne  
 gentibus loquerentur: verba scilicet salutis. Videte  
 ergo vos (clarissimi viri) ne tandem Paulo major, Do-  
 minus & Servator vester & electorum omnium vos di-  
 cat, tum illis vestris fratribus, tum & toti totius huius  
 regni populo (cuius saltem ministros abstulistis) adver-  
 satos fuisse, quòd ora multis occluseritis, ut sermonem  
 vitæ, vel non omninò loqui, vel non ita patefacere po-  
 tuerint, ut ipsos oportuerat. <sup>Colos. 4, 4.</sup>

8. Dignum etiam est vestra consideratione & seria  
 examinatione, an quidam ex Episcopis non fuerint fra-  
 trum suorū sanguinis rei. Nonne satis est ipsos dixisse,  
 vel adhuc paratos esse dicere cum Pilato, *innocentes ipsos* <sup>Math. 27,</sup>  
*fuisse, aut esse, à fratrum suorum sanguine,* quòd violen-  
 tas manus nullis intulerint, (a quo tamen abstinuisse <sup>24.</sup>  
 videntur quidam ex regis potius clementia, quàm ex ulla  
 ipsius Dei reverentia) sed satis est ad sanguinis reatū, vi-  
 tæ subsidia non suppeditare: multò magis ea subtrahe-  
 re. An non etiam aliquos in custodia & carcere tenuerunt  
 ad morbos mortales, & ad ipsam mortē? Videant  
 quoq; aliqui, ne ab ejusmodi ad ipsam mortē egrotis, tū  
 per se, tū per alios supplicantibus, locū mutandi veniā  
 negaverint, ad valetudinem scilicet suam melius curan-  
 dam. An isti quærenti ab ipsis Deo (ut aliquando <sup>Genes. 4, 9.</sup>  
 quæsitivè à Caino) ubi essent ipsorum ejusmodi fratres,

respondere potuissent, ut respondit Cain, de fratre suo Habele, tum occiso; Non novimus: an custodes fratrum nostrorum sumus? Minimè sanè: vel si ita respondissent, magis profecto ementiti fuissent, quàm fœvissimus ille Cain. Imo videte, an in morte ejusmodi fratrum, illiusmodi Episcopi severitati finem posuerint, an potius honestam sepulturam ipsis negaverint: sed noctu illos sepeliri mandaverint, tanquam noctis scilicet & tenebrarum filios: Sed nolo hoc fusiùs persequi. Si qui ex ejusmodi Episcopis adhuc sint superstites, Deus illis hoc peccatum non imputet. Neque quod hac in re dixi, accusans dixi, sed tantum amanter monens. Hoc solummodo nunc addo, multiplicibus & gravissimis injuriis aliis, ita ejusmodi Episcopos fratrum suorum animos fregisse, ut ossa etiam ipsorum omni medulla exhauserint, & prorsus ad sepulchrum ipsum exsiccaverint. Quid tamen hæc omnia, ad multorum ex ipso populo sanguinem animarum, tum ipsos celando Dei consilium: tum *claudendo coram hominibus regnum calorum, atq; ita eos non sinendo introire, qui introire velint.*

Act. 20, 27.

Math. 23, 13

9. Huic mederi malo vestrum inprimis est, si tales verè sitis quales haberi vultis. Et quidem sunt (agnosco ingenuè) ex vobis aliqui, qui tum sæpe prædicant, tum sincere & piè verbum ab ipsis prædicatum accommodant: idque sine omni humanæ sapientiæ & eloquentiæ ostentatione, vt qui populi magis ædificationi, quàm applausibus studeant: imo, qui & alios ad verbum similiter prædicandum gravissimè hortantur. De hoc quantas debemus omnes Deo gratias? Quantum piorum omnium esse debet gaudium? Tales tamen & vos omnes humilimè precor, nec non & per miserationes Iesu Christi magnopere hortor (qui tan-

topere

topere ecclesiam suam dilexit, ut seipsum pro ea dederit) non tantum ita sincerè & diligenter verbum prædicandum aliis sermone commendare, sed & hoc diligentissimè ubique fieri curare. Incredibilis profectò est plurimorum ubique ignorantia, quæ non parit devotionem, ut impiè blaterant Papistæ, nisi ad impiam & sacrilegam ipsorum religionem, sed omnem impietatem & injustitiam. Imò hæc ignorantia omnium ubique malorum contra Deum, contra homines mater est, fons, & origo. Tantò ergo & diligentior & vehementior verbi prædicationem, tempestivam & intempestivam postulat. *Cum non est visio nudatur* 2 Tim. 4, 2.  
*populus* : omnibus scilicet bonis, tum & futuræ, tum Prov. 29, 18  
 & huius vitæ : quemadmodum ut paulisper tantum absente Mose, & Dei eloquia non declarante ut solebat, Israelitæ ad extruendum sibi vitulum aureum, dicuntur se nudasse, tum nimirum Dei gratia & præsidio, tum & inauribus aliisque ornamentis aureis, quæ sibi detraxerant, & ad vitulum illum aureum conficiendum contulerant. Exod. 32, 25

10. Ut huic autem periculosissimo huius ecclesiæ morbo medeamini, præter ea quæ prius dixi, vos si verè velitis vos episcopos approbare, oportet Nonresidentibus omnibus & pluralistis vos opponere, & quantum poteritis (pro præsentibus autem, & rebus adhuc sic stantibus potestis plurimum) studere prorsus tollendis & abolendis. Sunt profectò huius ecclesiæ maculæ nullo modo tolerandæ, nullo modo excusandæ. *Dignus est operarius mercede.* Qui autem non operatur sed totus otiaitur quæ æquitate mercedem potest vindicare? Qui etiam magis operatur, is maiore mercede dignus. Quid ergo dicendum de nonresidentibus, tum qui non operantur omninò, tum quorum curati magis fortasse laborant,

laborant, minorem autem per multos gradus mercedem accipiunt? & qui ipsorum non-residentium sunt quidam servi, & quodammodo etiam mancipia? Ut qui huc & illuc moveant, & hic & illic serviant ad dominorum suorum placitum? Miror sanè hæc mala, (non-residentiam & pluralitatem) ab aliis omnibus reformatis Ecclesiis rejici, nec eorum nomina in iis audiri, à vobis tamen teneri & propugnari. Quinquaginta ab hinc ferè annis, ita odiosum erat in academiis non-residentium nomen, ut qui tum tales erant (erant autem paucissimi) vix ausi fuerint in publicos conventus sacros prodire. Heu quantum nunc, tempora mutantur, & nos mutamur in illis? Tantum profectò calum omnibus obduxit consuetudo, & magnorum præsulum patrociniū, ut hæc mala jam non sentiantur, nedum agnoscantur, sed impudentissimè potiùs propugnentur. Quanto plenius, & firmioribus argumentis multi apud nos ipsos hæc mala convulserunt, & transfixerunt, nimirum optimi nominis Dr. Whitakerus, contra Pontificis Romani vicarium pascendi modum, de Pontif. Rom. controvers. 4. quæst. 2. Dr. Mortonus apolog. part. 1. cap. 20. Dr. Willetus in 1 Sam. 17. 28. sic & doctus Atterfolus in Philem. Quanto (inquam) isti & alii plenius & solidius contra capitalia hæc mala scripserunt, tantò magis mirandum hanc nostram ecclesiam istorum non pudere: imò diù antè hæc non expuisse. Miror sanè ipse qua fronte possint nostri non-residentes, illa omnia legere; inprimis multas scripturas Ezech. 34, 4, &c. Zach. 11, 17. Act. 20, 28. 2 Tim. 4, 1, 2. Ipse (inquam) miror qua fronte non-residentes nostri hæc & multa alia legere possint sine rubore. Quid plura? Tantò profectò magis miranda videtur hæc ubiq; non-residentia, quòd  
vos



vos in quibusdam vestris canonibus agnoscatis nonresidentiam rem esse abhorrendam, & populo odiosam. Quis hinc singulare aliquod remedium non expectaret? Quis præclaram aliquam huius vitij reformationem non speraret? Vel omninò tamen nulla secuta est, vel saltem invisibilis. An enim pauciores jam sunt quàm priùs erant nonresidentes? Nihil minùs: sed longè plures: & quotidie crescunt. Ipsi curati unius loci alibi beneficiati ibi suos habent curatos, adeoque à propriis beneficiis suis absunt.

II. Vt paulò adhuc uberius de his vitiis dicam, pro vestro acumine summo (quæso) considerate nonresidentes omnes & pluralistas nova quædam esse monstra quorum similia sunt prorsus inaudita. Quid enim? Annon ejusmodi omnes nonresidentes & pluralistæ se gregum illorum quibus præsunt capita quodammodo dici volunt? Quàm autem hoc admirandum, unum caput plura habere corpora? Quædam corpora describuntur plura habentia capita: ut septiceps tum ille draco in cælo, tum illa bestia è mari ascendens. Hæc tamen narrantur tanquam signa, & signa magna. Ita poetæ Cerberum suum finxerunt canem tricipitem. Nunquam autem vel vidit Iohannes, vel finxerunt poetæ, vel audivit quisquam alius caput ullum unum plura habuisse corpora. Multa regna unius Regis sunt tantùm subalterna Regis membra. An hoc dicendum de nonresidentibus & pluralistis pluribus parochiis præfectis tam longè à se invicem diffusiis, vel quarum incolæ non possunt, vel saltem nolunt in eundem locum convenire? Alia quoque est ratio Regum quàm verbi ministrorum, quos disertè prohibet Christus similes esse Regibus. Reges ex verbi divini auctoritate tum multa sceptrà possunt tenere, tum alios

Apoc. 1. 3.  
& 13. 1.

Mat. 20. 25  
25. Lucæ  
22. 2. 26.

1 Petr. 2, 13.  
14.

1 Thes. 5, 12.  
23. 1 Tim.  
5, 17.

sibi substituere, quibus equè jubemur subjici atq; ipsis? Nihil tale legimus de verbi ministrorum ministris, aut de ulla iis præstanda obedientia. Ecclesias quoq; Ephesinam, & Philipicam legimus plures habuisse Episcopos sive verbi ministros; nunquam autem legimus in scripturis, unum & eundem pastorem pluribus Ecclesiis præfectum. Apostolorum & Euangelistarum alia ratio erat, nec ullo modo nisi stultè possunt ipsorum exempla ad nonresidentiam & beneficiorum pluralitatem stabiliendam accommodari. Atq; etiam ineptum est quod quidam dicunt satis esse ministrum in ulla ecclesia docere, modo in eodem sit regno. Pari enim ratione parochiani omnes se clamare possunt liberos esse, nulli ministro uni obstrictos, sed sui juris, ad verbum ullo in loco audiendum, modo in eodem regno audiant. Quanta hinc sequetur confusio? Vbi ministri digni sunt mercede, aut potius mercedem accipiunt, ibi dignus est populus, qui pro mercede doceatur. Nec propter eruditionem, digni sunt ministri vel honore, vel amore, vel præmio, sed propter opus: laborem nempe in sermone, & doctrina. Ut nonresidens quisq; & pluralista est quoddam monstrum plura habens corpora, ita videtur quoque nomen collectivum, quod terminationem quidem habens singularem, verbo tamen gaudet plurali. Quisq; enim nonresidens & pluralista est verè quidem singularis numeri: stat tamen pro multis, & quod multis debetur solus accipit & devorat, non tamen præstans quòd unus præstare debet. Præterea & hoc in eiusmodi non-residentibus & pluralistis, eorumq; longè diffusiis corporibus videtur mirum. Quid autem? Quod unumquodq; corpus à capite disjunctum vivat, edat, bibat, laboret sibi & suis, & capiti:



piti: nec non & dormiat, sed multis curis implicatum & distractum. Quod etiam vivat & ipsum caput, à corporibus suis quasi dissectum, edat, bibat, ludat: dormiat quoq; securè & suavissimè: nullis omninò curis occupatum, nisi ut teneat quæ habeat beneficia, & plura corroget: vel quæ habet in pinguiora mutet: aut majorem aliquam dignitatem assequatur, ut semper edat, bibat, epuletur, ludat, dormiat, omnique voluptatum genere fruatur cum illis Amozii temporibus, nesciens tamen an eadem ipsa nocte anima sua sibi sit auferenda. Ad hæc nonresidentium & pluralistarum illorum beneficia, ipsis absentibus sunt quasi verba impersonalia, quæ personis carent: habent quidem unam quam tamen non habent ut debent: habent etiam unam, cum tamen plures habere debent. Habent deniq; plures, nec tamen rectè unam habent. Nemo dicat, hæc faceret potius quàm theologicè dici, & magis facere ad lectorum oblectamentum, quàm vestram gravitatem decere. Esto. Ego quidem me theologiæ professorem non prædico. Et quis unquam me ita agnovit? Ut plenius etiam priori objectioni occurrerem, præsens argumentum lachrymas potius postulat quàm facerías, & quicquid de eo scripsi, non scripsi ridens, sed flens potius, & scriptum velim intelligi, ad horum scelerum tum majorem detestationem, tum celeriores reformationem faciendam.

LIIANIOS 6.

LUCÆ 12, 20

Philip. 3, 28.

12. Sed ut ego pergam, & ut vos omni innoxij sanguinis reatu & suspitione vestras posthæc manus melius purgetis, (sanguinem intelligo animarum) studeat (obsecro) quamdiu & quantum poteritis, verbum diligentius & purius sine omni mixtura & obscuritate

- ab aliis prædicari. Multi quidem prædicant obliti  
 prorsus quomodo Paulus prædicaverit, *non cum emi-*  
*nentia facundia, aut sapientia humana, nec cum persuaso-*  
*riis humana sapientia verbis, &c.* sed neglecta populi  
 ædificatione, toti student eloquentiæ & eruditionis  
 ostentationi. Alii toti debacchantur, & quasi rixan-  
 tur contra fratres, imò & contra eos qui ipsorum &  
 patrum suorum patres esse possent, pro humanis tradi-  
 tionibus omninò contendentes, Dei autem mandata  
 prorsus omittentes. An isti sermonem *veritatis recte*  
*secant? & qua sanam doctrinam decent loquuntur?* An  
 hoc est *verbi divini sensum* cum Ieshua, Bani, & aliis ita  
 exponere, ut populo dent intelligentiam? Nihil minus.  
 Huiusmodi concionatores sibi fortasse & quibusdam  
 aliis inani verborum strepitu magis delectatis, quàm  
 sana veritatis secundum pietatem cognitione, placere  
 possunt: Deo certè non placent, nec Christo servi-  
 unt, nec ipsis, quibus maximè videntur placere, quic-  
 quam prosunt. Alii sunt in vita ita dissoluti, & epu-  
 lorum, commessàtorum, alcatorum socii, diversoria  
 & tabernas in eodem oppido sectantur, imò etiam &  
 ita indecorè in ipsius Dei locum (tanquam ganeones  
 comati ascendunt, ut plus hoc vitæ exemplo noceant,  
 quàm verbi prædicatione etiam sana, ecclesiam juvent.  
 Hi quidem ambulant (ut Paulus ait) sed ita ut verè pi-  
 de ipsis non possint loqui, neque ipsos audire nisi flen-  
 tes, & lachrymas abundantissimè tanquam aquarum  
 rivulos effundentes. Si ita fleverit Propheta propter  
 homines plebeios, qui legem Dei non observarunt,  
 heu quantæ verè piorum omnium lachrymæ esse de-  
 bent, propter ministros omni impietate abundantes;  
 quos tamen inprimis oportet tum *terra esse salem*, tum  
*mundi lucem?* Hæc si vestri ordinis ulli ex officialium  
 suo-

suorum incuria & negligentia, nec non ex aliquo min-  
nere ipsis largito, ignorent (quod cerè ex charitate fa-  
cilè credo) tum sane tanto maiorem diligentiam & cu-  
ram abhibere debent illi, ad hæc mala posthæc melius  
cavenda. Præterea, cum Apostolus non tantum  
mandet Episcopos sive ministros ecclesiæ præfici qui  
essent ipsi bene morati, sed qui domibus & familiis 1 Tim. 3, 4,  
etiam suis bene præessent, & tum liberos continerent  
in subjectione, & tum uxores haberent honestas &c.  
(quod enim de diaconorum dicitur uxoribus, illud de  
ministorum uxoribus multo magis intelligendum)  
proinde etiam multorū ministorum familias, (enixè  
peto) intueamini, non tantum magnorum præsulum,  
& opimè beneficiatorum, sed quorundam quoque  
aliorum: Imò etiam eorum, qui maiorem titulum  
quàm curatorum non habent. Quales enim pro vita  
quosdam dixi ministros esse, tales multorum uxores,  
liberi, famuli. Imo eorum qui ipsi videntur mode-  
stiores uxores miro quodam vestitus genere induun-  
tur: imò profectò, quod vix ulla modestas fæminas  
debet. Filij sunt comeffatores, epulones, aleatores,  
ganeones cum maximis. Filiæ per omnia similimæ  
sunt illis filiabus Zionis, quas tam copiosè describit Isai. 3, 16.  
Propheta, & quibus pro summa ipsarum superbia, & &c.  
protervia, scabiem, pudendorum nuditatem, tabem  
cinguli dissolutionem, caluitium, cinctum cilicii, &  
ustionem minatur. Dediignantur scilicet vel militum,  
vel ipsorum nobilium filiabus in ullo ornamentorum  
genere esse inferiores: sive vestium ipsarum substan-  
tiam (ut ita dicam) spectemus, sive multiformitatem.  
In omni formarum varietate & novitate primæ sunt  
cum primis, cum maximis. In plumis quoque hec  
quanta luxuries? Quanta quoq; colorum omnium

varietas? Quales autem famuli? Quales scilicet filii: Comati ad ipsos humeros: Aleatores, bibaces, tum ad sui ipsorum, tum ad aliorum ebrietatem. O utinam ista ita spectaretis, ut alii spectant. Spero profectò ex vobis aliquos, non mecum tantum lucturos, sed etiam pro autoritate reformaturos. Non satis sanè est cum Heli reprehendere, sed severe etiam oportet ad emendationem corripere, & punire. Ex his enim, Ex his fit, ut alii ferè omnes omnia pietatis munera spernant: Patres compellamini. In his ergo coercendis patres vos demonstrate. Omnes quidem ministri patres esse debent. Illi autem de quibus antè conquestus sum, quales patres dici possunt? Qualem scilicet Calvinus Paulum I I I. dicit Patrem Caroli V. At qualem intelligit? Qualem profectò poetæ finxerunt Saturnum esse, qui filios videlicet devoravit.

13. Cum prioribus numerentur ministri inprimis indocti, & ad docendum prorsus inepti: imò veritatem ab errore distinguere omninò inscientes, adeoq; vel tantum legentes, vel si quando concionari sibi arrogant, venenum pro sana doctrina tradentes. Sexaginta jam annis ferè elapsis, vir quidam doctissimus & gravissimus dixit mihi, se ex potestate sibi facta ab illius diocæscos episcopo, ad indoctos eius loci ministros coram se vocandos & examinandos, nec non ad imponendum ipsis quædam exercitia eruditionis, ex quibus ad ministerii opus aptiores fierent: inter alios incidisse in unum cuius ignorantiam non potuit non admirari, & ita admirari, ut hoc ipsum eidem indocto ministro dixerit, quod scilicet tam diù in ministerio versatus, & ex ministerio vivens non plus profecerat. Imò inquit ipse,

1 Sam. 2, 22

Calv. in  
schol. in epist.  
Pauli iij. ad  
Carolum v.

ipse, si tu rem omnem scires, nequaquam diceret me non profecisse. Itane verò inquit ille, quid demùm profecisti? Dicam inquit ipse, Cùm primùm ad hoc beneficium provectus fui, ita prorsus literarum nescius eram, ut coactus fuerim tota hebdomada, capitum die solis sequenti legendorum lectioni studere. Nunc verò ex quotidiano illo meo legendi studio tantum profeci, ut ex bina vel trina capitum lectione die sabbathi, optimè possim ea die solis legere, sine ulla hæsitazione. Utinam omnes eiusmodi inertes & indocti ministri cum eodem obierant. Sed proh dolor, multi sunt hodiè similes etiam recens ordinati: si non in Australibus, in Occidentalibus tamen & Borealibus partibus, atq; etiam in Wallia, ubi hominum animæ æquè Deo sunt præciosæ atq; alibi. Neq; tamen priùs illud exemplum hic interposui propter ipsius tantùm ignorantiam, sed altius quiddam spectans. Hoc nimirum, quòd ex illa potestate eidem docto ministro & aliis quibusdam, indoctos examinandi, multi ex illis indoctis beneficia sua prorsus reliquerint, & profligati ex metu aufugerint, nunquam post reversi. Ita sanè si & vos majore contra eiusmodi uteremini severitate, vel fugerent fortassè eiusmodi, vel seipsum tanquam ministerio indignos abdicarent. Neq; verò hic prorsus rudes & inertes tantùm intelligo, sed & doctos quosdam habitum, non autem actum: ut qui semper orientur & desides domi sedeant, bene quidem corpore valentes, sed tamen nihil omninò docentes, nec docere volentes. Per antiphrasin quandam tales doctores dici possunt, tanquam mons à movendo, quòd nunquam moveat, nec moveri possit. Ita Ptolemaeus quidam Philopater cognominatus est, Tremel. in  
DAB. II, 11.

id est, patris amans, eò quòd ut historiar (teste Tremelio) referant, parentes necaverit. Imò quidam tum ex magnis doctoribus, tum ex ipsis nonresidentibus, nec concionantur ipsi (nisi rarissimè & tùm etiam fortassis vanissimè) nec volunt alios suis gregibus concionari. Iniquè etiam ferunt, si curati ipsorum diligentiam aliquam in prædicando præstent. Ipsis Dominicis diebus populum suum malunt edere, bibere, ludere, ebriari, huc & illuc vagari, hìc & illic furari, scortari &c. quàm binas conciones audire. Quid hoc aliud est, quàm quod antè diximus *cludere regnum cælorum coram hominibus* (imo contra homines) & *volentes introire non sinere*. Si ita ægrè & indigne tulerit

Math. 13, 23. *Exo. 17, 14.* Deus Hamalekitarum oppositionem factam Israëlitis ad terrestrem Canaanem profecturis, ut tum statim iussèrit librum scribi de perpetuo cum ipsis bello: tum quadragentis post annis Sauli mandaverit, gentem illam totam, viros & foeminas, pueros & lactantes, cum bobus, ovibusq;, camelis, & asinis perdi & penitùs deleri; heu quanta tandem erit ipsius indignatio, contra omnes electorum suorum adversarios ipsis se (quantùm possunt) opposcentes, hìc peregrinantibus, & versùs cælum ipsum proficiscentibus, cuius terra illa Canaan, erat tantùm typus? Hæc omnia (ornatissimi Patres) tanto liberius & uberiùs apud vos dixi, majore vestra fretus posthæc contra illos omnes severitate: Imo tanto majore, quanto priùs majorem exercueritis severitatem contra fratres illos vestros, doctos, pios, & in ministerio suo diligentissimos, nulloque modo culpandos, nisi pro ficto puritanismi crimine. Quanto enim mitiores & clementiores erga illos improbos, imperitos & ignaros ministros hactenus fueritis, tanto profecto major & durior videtur vestra



vestra prior contra vestros illos fratres severitas & inclementia : ut quos ex Episcopis quidam nunquam sereno vultu dignati fuerint, sed torvo semper aspexerint. Imò ne eiusmodi Episcoporum servi bonis verbis eiusmodi bonos ministros sunt allocuti, sed duris & ferocibus tanquam ipsorum domini, & tanquam Nabal, quem servi sui dixerunt ita nequam, ut nemo potuerit ipsum alloqui. Tales (inquam) quorundam Episcoporum famuli ministros non subscribentes & conformantes non pluris faciunt, quàm calceos suos multis itineribus prorsus contritos. Hæc profectò & alia severitas multiplex, multos fidei eosdem articulos vobiscum profitentes & tenentes fecit, tum ab Ecclesia nostra deficere, tum & ipsam Ecclesiam nostram ita abnegare, ut in transmarinas ditiones secesserint : Hieronymus (ut nostis) testatur Tertullianum, qui suæ <sup>In Catal. test.</sup> ætatis decus quoddam dicitur, tandem tamen per invidiam, & quas à Romana Ecclesia passus fuerat contumelias in Montanistarum errorem lapsum, & semel lapsum, nunquam ad contrariam veritatem rediisse. An non & simile de Audio quodam refertur, qui gravissima primùm passus à luxuriosis suæ ætatis Episcopis & presbyteris, quòd ipsos vitiorum suorum reprehenderat, se demùm ab Ecclesia separavit, multosque secum in eandem separationem traxit? An non & Apollinarius in hæresin suam incidit ex nimia severitate Georgij Episcopi Laodicensi? An non & Vitalius alioqui vir optimis moribus se sociū adjunxit Apollinario propter sui contemptum apud Flavianum Antiochenum Episcopum? An non & quidam in conformitatis vestræ communionem semel ducti longiùs progressi sunt, tum ad fratrum suorum persecutionem,

tum ad gravissimorum quorundam scelerum perpetrationem, vel saltem ad avaritiam sine omni satietate? An non alii in tantum animi moerorem lapsi sunt, ut nunquam lætè post vixerint, sed summa cum anxietate, summis cum cruciatibus, spiritusq; amaritudine, suum tandem spiritum emiserint? An hæc levia sunt severitatis vestræ effecta? Imo sanè quid aliud sonant hæc omnia quàm quod David conqueritur de Saule, Ipsum scilicet expulisse eum hodiè, ne coopertus hæreat, possessioni Iehovæ, dicentem cole Deos alienos?

1 Sam. 26,  
19.

14. Sed his missis, vel saltem pro tempore intermissis, cogitate quæso quantum fuerit & adhuc sit ex cæremoniis vestris scandalum. Ne putetis tam diu prædicato Evangelio non metuendum esse à scandalis:

Philip. 1, 10.

1 Cor. 8, 13.

1 Pet. 2, 2.

2 Ioh. 2, 12.

13.

Ps. 92, 12.

13.

Mat. 16, 23.

Quæ enim in Scripturis dicuntur, vel de scandalis, vel contra scandala, non habebunt finem donec ipsius mundi finis aderit. Ecclesia non est sterilescens mater, sed secundum Dei ipsius naturam semper paritura, & liberos cuiusque ætatis & staturæ habitura: infantes, pueros, adolescentes, juvenes, viros, senes. Semper parit, & semper est gravida: ut iustus semper germinabit, & tanquam cedrus in Lebano crescit, &c. Ita ecclesia justorum omnium mater. Quinetiam ut ex iisdem parentibus nati, & eodem modo nutriti & educati, non semper sunt eiusdem staturæ & roboris, sed aliquando ætate seniores sunt statura & viribus minores, ita quidem in Ecclesia multi & capacitate & iudicio superantur ab ipsis junioribus. Nemo præterea ita in fide fortis, ut ab omni scandalo sit tutus. An non Christus dicit Petrum sibi scandalo fuisse? Imò, abscedendi ibi verbum docet, nullam vel ipsis optimis debere cum iis esse communionem, qui eiusmodi homi-

num



num scandala parvi faciunt. Vestras profectò cæremonias, ex quibus maxima sunt scandala, ne dedignemini mendicas & impotentes dici, cum ipse Apostolus Dei & legis cæremonias abrogatas ita dixerit. *Quis un-* Gal. 4, 9.  
 quam ex illis erat fructus, nisi ad bonos, pios, & laboriosos ministros ex Dei vinea & messe ejiciendos: aliosq; viros bonos molestia afficiendos? Siccæ sanæ & aridæ sunt, sine succo & sanguine: & quæ multos ad mendicitatem ducunt, qui priùs erant saturi, & ex saturitate sua plurimorum & corpora & animas satia-  
 verant, refecerant, & refocillaverant. Quæ autem ex vestris cæremoniis unquam erat ædificatio? Imò Rom. 14, 15  
 quanta potius destructio? Quanta perditio? Vestras fortasse curias pinguedine implent; sed quot alii macilenti fiunt? An non melius esset, vos earum unamquamq; cum detestatione rejicere, & ei dicere, *Apage?* Isa. 30, 22.  
 Nemo pro iis tolerandis objiciat consuetudinem. Cassander Papista ex Augustino scribit, *Nimiam consuetudinem variarum cæremoniarum oblata occasione refecandam, etiamsi fidei non videantur adversarii, &c. Si de-* pag. 62, vel  
*monstrari potest aliqua his postremis temporibus, vel per inperitiam & negligentiam, vel etiam per ambitionem & avaritiam instituta, & recepta esse, quæ non modo utilitatem nullam, sed etiam noxam Ecclesia adferant* (quales vestræ certè sunt cæremoniæ) *ea quin primo tempore mutanda sunt, negari non potest.* Hæc & alia Cassander.  
 Vt ad scandala redeam, cavenda sunt, non tantum propter eos qui sunt intra ecclesiam: sed etiam qui sunt extra: ne scilicet ab Ecclesia arceantur. Sunt etiam tam in placendo, quam in displicendo. Vt perdi possunt pii, quantum est in scandalorum patronis & propugnatoribus, ita indurari possunt impii, præsertim Papistæ, quasi ipsorum tum cæremoniæ, tum & tota

religio non ita esset detestanda, ut nos esse demonstra-  
*Mat. 26, 51.* mus. Si Christus iusserit Petrum, quem nudaverat  
*Ioh. 18, 10.* & strinxerat gladium ad Christum propugnandum in  
 locum suum reponere, quantò magis vos subscriptio-  
 nis & conformitatis vestræ gladium debetis ad locum  
 transmittere unde fluxit, quo tam diu Christum eiusq;  
 populum oppugnastis, & ex multa parte transfixistis.

15. At dixeritis fortasse, vos conformitatem impo-  
 nere, tantum ad ordinem, non ad ullam necessitatem:  
 eoq; tantò melius nunc posse cæremonias aliamque  
 conformitatem sine ullo scandalo tum imponi tum  
 observari: ut ipse Paulus Timotheum circumcidit:  
 post verò à Pseudoapòstolis alijsq; Iudæis imposita cir-  
 cumcisione pro necessitate, nullo modo Tito circum-  
 cidendo voluit cedere. Respondeo, 1. longè dispa-  
 rem esse cæremoniarum vestrarum rationem, & cære-  
 moniarum quæ ab ipso Deo aliquando institutæ erant:  
 & tum quidem cùm circumciscus est Timotheus, mor-  
 tuæ sed non sepultæ: vestra autem conformitas & cæ-  
 remoniæ ab hominibus tantum creatæ, nunquam fece-  
 runt ad charitatem vel ædificationem. Imò potiùs  
 multa jam habent incommoda, Papismi scilicet & Pa-  
 pistarum quotidianum incrementum, peccatorum om-  
 nium multiplicationem, servorum Dei molestiam, &  
 alia plurima. Præterea nulla scandala (qualia antè  
 dixi esse ex cæremoniis) ferenda vel minima. Quia nul-  
*Rom. 3, 8.* lum scandalum est datum, quod non est peccatum. Mi-  
*Mat. 23, 23.* nimum autem peccatum non faciendum, ad bonum  
*Iacob. 2, 10.* vel maximum præstandum. Minimum Dei præceptum  
 negligi nō potest sine ipsius præcipiētis læsa majestate,  
 quantò minus ullum peccatum? peccatum quanto est  
 subtilius, tantò facilius hominem penetrat & fallit. Per  
*Rom. 14, 15* scandalum (dicit Apostolus) *non parvum aut magnum*  
 20. perdis

perdis tuum fratrem. Quid minus esca? Quid tamen de esca dicit Apostolus? Etsi ex cæremoniis vestris scandala imperitis quibuscū videri possint parva, vobis tamen pro magna vestra eruditione ita videri non eredo. Neq; vos patiamini idem de vobis alium quemvis credere. Quod de ordine dicitis, sæpe à fratribus vestris non conformantibus demonstratum est id totum esse commentitium. Quid ordinis esse potest ab Apostolorum ordine discedere? Quid decori, castissimam Christi Sponsam conformem esse cum Romana meretrice? At quædam fortasse ex vestris cæremoniis priores erant apostasia Romana. Sic & idem dici potest de fidei multis dogmatibus à fide prorsus alienis. Iustificatio ex operibus, Imaginum cultus, pro mortuis preces, & alia multa priora erant papismo & papatu. An jam ergo non sunt papalia? Quod ad negatam à vobis necessitatem ex cæremoniis attinet, non est omnino admittendum. Vos nunc multiplicem facitis necessitatem. Etsi nunc non imponatis ad justificationem, imponitis tamen ad sanctificationem, & quinti mandati observationem. Adeoq; & idem mandatum violari dicitis, nisi de cæremoniis vestra mandata observentur. 2. Conformitatem vestram ita ad ministerium ingrediendum, & exercendum urgetis, ut nec hoc nec illud liceat sine conformitatis & approbatione & observatione. 3. Eandem magis imponitis quàm verbi prædicationem nec non & delinquentes punitis gravius, quàm non omnino vel rarò concionantes. Idem dicendum de gravioribus pœnis non conformantium, quàm comessatorum, epulorum, aleatorum, & huiusmodi in ipso ministerio. Imò quàm eorum qui errores pro sana doctrina tradunt. 4. An non necessitatem conformitatis faci-

1 Cor. 9, 13

*Multiplex necessitas conformitatis.*

tis ad vitam præsentem, ut cuius præsidia & subsidia negatis sine conformitate? Quin etiam est conformitatis necessitas ad bonum cuiusq; ministri nomen: quandoquidem qui non conformant, eos habetis pro schismaticis, contumacibus, refractariis, rebellibus, puritanis, &c. eosq; sic ab aliis, (etiam posteris) haberi & dici patiamini. Qui vero conformant, eos pro viris bonis, & filiis obedientibus dicitis, licet quid boni faciant, & vos ipsi nesciatis, & nesciant quoq; alij. Imò & hos amplissimè remuneratis.

16. Cum præterea vos pacis custodes & patroni tanti habeamini, & sic ab omnibus velitis haberi, simulq; omnes conclametis Pax, Pax: & qui vobis fratres sese non conformant pro fratribus non habeatis, sed pro schismaticis, refractariis, pacis conturbatoribus pronuntietis: cogitate (quæso) quantam hinc in ecclesia contentionem vos ipsi excitatis: magistratus cum subditis, ministrorum cum ministris, & cum ipso populo: populi inter se: parentum cum liberis, virorum cum uxoribus, amicorum cum amicis, etiam juvenum, & ferè puerorum cum senioribus, &c. Imò Anglorum etiam cum aliis omnibus ubiq; ecclesiis reformatis: nec non etiam vivorum cum ipsis mortuis. Hic

ad object. 4.

cap. 2.

Part. 1, lib. 2,  
cap. 5.

quæso cogitate, quid de schismaticis scribat P. Martyr à Richardo Smitho schismatis accusatus, in libro scilicet suo de coelibatu & votis: sic & quid de iisdem dicat Philippus Morn. de Pleff. in libro de ecclesia. Sic & quid habeat doctissimus noster Mortonus in apolo. Cath. de notis ecclesiæ ex Cassandri lib. consull. artic. 7. Ex omnibus à Cassandro Papista mutuatis, ita tandem concludit Mortonus, *Ex quo (inquit) discere quis possit, Aliud esse pati schisma, aliud verò facere: & hoc Donatistis & Pontificibus, illud protestantibus convenire.*

Quid

Quid ni & fratres illi vestri, quos tantopere pro schismaticis persequimini similiter dicant, facere schisma esse vestrum: pati verò ipsorum. Imò quid ni & vobis retorqueant schismatis objectum crimen, ut aliquando Elija idem retorsit in Ahabum? Hæc omnia (obsecro) ita cogitate, non ut succenseatis, magisque 1 Reg. 18, 19 cum vestris illis fratribus contendatis, sed potius ut prioris vestræ contentionis arma omnia deponatis, & tantò magis tum pacem cum ipsis colatis ipsi, tum quantum fieri potest, & quantum opus fuerit eandem ab aliis omnibus fieri, pro viribus conemini: si quidem utrunq; hæcenus ad pacem conclamaveritis, veræ tamen pacis adversarii fueritis. An non ita demonstrabitis vos, & beatos, & Dei ipsius filios? Math. 5, 9.

17. Possẽm hic apud vos dicere de multiplicibus in hoc regno Dei judiciis, non tantum pro aliis omnium peccatis, sed etiam pro verbi cursu tantopere à vobis jam diu impedito. Sed huic labori parcam. Omnium autem maximum est maxima omnium securitas: ut quæ tantò majora secutura (nisi interim resipiscamus) prædicat. Hæc omnium securitas tanta est, ut quamvis Lev. 26, 18. ex minoribus indignationis divinæ testimoniis multa ante jejunia in terræ motu primo, & Hispanorum sibi proposita invasione, omniũ hic vastatione & depopulatione, nec non & grassante aliquando peste, & premente quoque fame, celebraverimus Londini, in aliis civitatibus & oppidis atque villis, in ipsis etiam academiis: nec non ex ipsis amplissimos fructus messuerimus, Deo ipso ita testante eiusmodi jejunia sibi fuisse gratissima: nihil jam eiusmodi audiat, nihil ad similia celebranda nos possit provocare. Aliis omnibus Christiani orbis ecclesiis reformatis, nunc jejunantibus tum pro illustrissimo Comite Palatino ad Rhenum,

num, & Serenissima principe Vxore eius, & ipsorum Regia prole, & pro comitatus ipsorum depopulatione, & tum etiam pro aliis Ecclesiis misere afflictis, nos soli securi sedemus, edentes, bibentes, ludentes; Imò non tantum puritani, & schismatici, sed etiam tanquam hæretici, & peruelles fere habentur, qui de jejuniis, & pro jejuniis verba faciunt; præsertim qui ea quamvis clam & tanquam in tenebris celebrant. Hoc profectò peccatum tantò maius, quantò magis nostra inprimis refert (his rebus postulantibus) jejunia celebrare. Hæc religiosa exercitia, vos (gravissimi Patres) dicimini maximè oppugnare. Virum justè an injustè vos videte. Pro antiquo quodam more, civilium jejuniorum dies indicuntur, & in Ecclesiis passim à carnibus abstinencia promulgatur; sed de jejuniis cum prioribus, vel ad ulla Dei judicia avertenda, vel ad specialem ullam gratiam impetrandam, ne verbum: An non quanto minùs timemus, tantò magis à majoribus judiciis timendum? An non ut omnia dicuntur cooperari ad bonum eorum qui Deum diligunt, ita nobis metuendum omnia jam operari ad nostram ruinam, qui ita Dei jugum excussimus, & verba ipsius quasi à tergo nostro abjecimus? Si velitis vos pro regni huius oculis haberi, cavete vos esse simplices, ne ab ipso Christo audiat, *Si lumen quod est in corpore tenebrae sint, quanta sunt ipsae tenebrae?* Ad vos hac in re excusandos, ne in alios, præsertim in Regiam majestatem culpam transferatis: quasi summorum tantum in quovis regno magistratuum sit jejuniorum indictio. Etsi nolo hac in re multum refragari, cum tamen eiusmodi magistratus præficiantur non ad damnum, sed ad bonum ecclesiarum, hoc tantum à vobis quero, quorum sit Regem ipsum huius officii monere, simulque

Rom. 8, 22.

32.

Math. 6, 22

23.



& eius præstandi occasiones, & circumstantias, aliaque omnia docere, nec non ad rem ipsam hortari. Si in hoc regno hoc vestrum esse dixeritis (ut dicturos puto) quare tot sæpe judiciis, aliisq; causis ad jejunium & planctum vocantibus, vos muti sedetis? Ne expectate aliquem vel Isaiam, vel Ieremiam, vel Ioelem, vel Zachariam à mortuis excitandum ad hoc præstandum: sed ipsi hoc facite (si modo vestrum sit) ad bonum tum ipsius Regis, & Regiæ eius prolis, tum regnorum suorum omnium.

18. Proximo in loco, quo mitiores adhuc sitis, ut Apostolus vult Hebræos considerare, qui fuerant bonorum quorundam doctorum & ducum exitus, adeoque ipsorum pietatem ab ipsis imitandam magis commendat, & contrà Paulus aliorum quorundam durum exitum Corinthiis proponit ad ipsorum peccata cavenda: ita & vos ad quorundam vestrorum antecessorum & conformitatis maximorum patronum severitatem cavendam, vestrosq; animos erga fratres vestros magis molliendos, ne durum vobis videatur vos admoneri, qui fuerit conversationis ipsorum exitus. Talis profectò videtur, ut per eundem videatur Deus sanctam reverentiam vobis commendare, à simili eorum cavenda pertinacia, tum in conformitate propugnanda, tum in severitate contra fratres vestros exequenda. Hac quidem in re, Dei arcana non ingredior, sed ipsi Deo relinquo, nec proinde ipsorum personas jam condemnandas mihi arrego. Optimè novi ipsos aliquando optimos, extraordinario quodam modo occubuisse: pro speciali tamen aliquo ipsorum peccato. Talis ille Vzza, qui manum suam extendit ad arcam, &c. Talis propheta, qui ab alio

Hebr. 13, 7.

1 Cor. 10, 5.

2 Sam. 6, 7.

1 Reg. 13, 24

E

propheta

propheta seductus, contra Dei verbum edit, &c. Talis  
 Iosia arma sumens contra Pharhonom Nechonem, ab  
 ipso Pharhone ex Dei autoritate benignè admoni-  
 tus, ne ita faceret. Tales Corinthii quidam morte  
 percussi propter inordinatam ipsorum cænæ celebra-  
 tionem. Vt horum omnium personæ non sunt con-  
 demnandæ, sed peccata propter eiusmodi obitum ma-  
 gis cavenda, ita vos idem cogitate de quibusdam ve-  
 stris antecessoribus, ita obeuntibus & occumbentibus,  
 ut vos ipsos obiisse & occubuisse novistis. Ne adule-  
 mini vobis. Neque abdita quærite: cùm manifesta  
 habeatis. In huiusmodi rebus non leviter prætereun-  
 da Dei providentia. Bona est charitas, sed non negli-  
 genda prudentia: nec nos cæcos aut stultos debet fa-  
 cere. Vt ita certè occubuerunt quidam ex illis ve-  
 stris antecessoribus, & maximis fratrum vestrorum  
 persecutoribus, ut vos credo nolle ita occumbere. Sic  
 & ne vos ita severi estote, ut erant illi. Sed ut tertius  
 ille dux missus ad Elijam apprehendendum videns pri-  
 orum duorum ducum, & suorum quinquaginta ad  
 idem negotium peragendum ab Ahazia missorum rui-  
 nam per ignem è cælis missum ex imprecatione Elijæ,  
 ut (inquam) tertius ille dux priorum duorum ruinam  
 videns, melius sibi sapuit, & mitius se erga prophetam  
 gessit, ita & vos similiter sapite, & cum fratribus ve-  
 stris clementius agite: idq; propter insolitum eorum  
 exitum, quos nemo sana mente præditus negare potest  
 acriores fuisse contra suos fratres quàm par fuerat. Ne  
 ita ipsorum exitus secundis causis ascribite, ut manum  
 Dei extraordinariam non observetis. Imò tantò ma-  
 gis argumentum hoc vos afficiat, quòd quorundam ex  
 ipsis nomen ipsa cum ipsorum corporibus putruerit:  
 ita scilicet ut ipsorum capellani, alijsq; ipsis vi-  
 venti-

2 Reg. 23,

29.

2 Chro. 35,

20.

1 Cor. 11, 30

2 Reg. 1, 17.



ventibus maximè obsequentes, ipsos jam mortuos, ne verbo quidem bono dignentur. *Iusti memoria est* Prov. 10, 7: *benedicta*: *Improbiorum autem nomen putrescit*. Si iustus curet jumentum sui vitam, & vos ipsi vestros equos velitis bene saginari, an nolitis vos fratribus vestris benignitatem facere? Si negatis eos esse bonos & doctos, vestra sanè conscientia reclamabit, & stimulis ita corda vestra punget, ut ferre non poteritis. Sed spero & precor meliora.

19. Quid hic dicam de multorum Papisticorum errorum, prius mortuorum, & ex ecclesia nostra ab ipsis Episcopis explosorum, nova hodiè repullulatione? Tales sunt illius malè docti doctoris Carrier foedissimi errores. Abiit quidem & obiit ipse: sed utinam cum ipso ipsius quoque periissent errores, & in gehennam ipsam descendissent (unde primum originem traxerunt) nunquam deinceps reversuri. Pessimus quidem ille tabellarius, tum illos suos errores audacter nimis & procaciter antiquæ ecclesiæ Anglicanæ doctrinæ titulo insignivit, tum & nostram contrariam doctrinam novam Gallicam dixit. Nos tamen ex Dei gratia novimus, & illam esse Romanam & diabolicam, & hanc nostram cælestem & divinam. Quo jam ille abierit non statuo. Si non prius respiscens ad inferos discesserit, vel Pontificis fortasse Romani literas habuit ad Gehennæ Pontificem pro ipso mitius, & honorificentius accipiendo & clementius tractando: vel ipse aut eum inde eruet, aut nunc tandem ad ipsum visendum & sua facierate consolandum descendit. Vtrum horum mavultis, credite. Utinam nunc multi non essent iisdem erroribus imbuti. Iisdem? Imò, & pluribus. Imbuti? Imò & polluti, contaminati, turpissimèque foedati. Videte quoque & vos, ne ex vestro

ordine, quidam adhuc sint, qui prius eosdem errores coacti publicè in academiis revocare, & abnegare, ad eosdem nunc tamen redierint, & eorum aliorumque pugiles sint strenui, imò & eorum propugnatores fortiores, vel potius pertinaciores quàm antè fuerant. Idem dicendum de tanto Papistarum ubiq; incremento, ut jam æquè audeant illius farinæ homines cuiusq; generis (viri & fæminæ) forensium legatorum abominandas missas adire; nec non & se idem facere absque ullò metu palam demonstrare; atque nostri ad nostrorum ministrorum conciones accedunt. Heu, heu: Quis verè Christianus ad hæc non tremit? Quid quòd aliqui idololatricas & detestandas quasdam trium in Dietate personarum imagines regnante Serenissima Elizabetha in quibusdam ecclesiis cathedralibus vel expunctas vel delatas, & ita obscuratas, ut discerni non potuerint, nunc redintegraverint, & ad priorem ipsarum splendorem restauraverint. Quid quod aliqui (ipsi lignei) novas ligneas cruces in viis Regiis superstitionissimè extruxerint? Quid quod alii pro aliis eiusmodi superstitionis & Idololatriæ monumentis semper ferendis, tuendis, & sustulciendis, & reparandis acerrimè contenderint, quæ tamen injunctiones antiquæ ex verbi ipsius auctoritate mandant demoliri, & prorsus destrui? Quanta etiam molestia facta est quibusdam privatis, qui ex maiore fortasse zelo, quam prudentia hoc conati fuerint? Imò quid si ex vestro quoque ordine quidam sint, qui suas adhuc habent crucifixas, non in angulis, sed palam in ædibus suis, ab omnibus conspiciendas? Quæ dixi de his malis, dici etiam possunt de simili omnium peccatorum contra tum primam, tum secundam tabulam incremento. Vnde hæc quæso omnia, nisi ex fratrum vestrorum  
suspens-

*Dent. 7, 5.*

suspensione, abdicatione, deprivatione, aliisq; eiusmodi molestiis plurimis? Et quid illa omnia ita potest cohibere, atque libera verbi prædicatio? An ex animo aliorum preces petere possunt, ut sermo Domini currat, & glorificetur, qui ipsi alios prohibent ne prædicent, nisi ex ipsorum placito prædicent? <sup>2</sup> Thes. 3, 1.  
Colos. 4, 3.

20. Si priores omnes fratrum vestrorum injurias ipsis vestris fratribus imputandas dixeritis, ut qui noluerint se vobis morigeros exhibere, an non à vobis quæri potest, qua authoritate ab ipsis tantam obedientiam, tantum obsequium vendicetis, cum Petrus ex Dei ipsius authoritate mandaverit, ne presbyteri ulli Domini Cleris dominarentur, hocque opposuerit priori suæ exhortationi gravissimæ de grege Dei pascendo? An non enim hac oppositione apertè docet hæc duo non posse convenire, nisi quis voluerit ad Papistarum tela se recipere, quibus tuentur Christi mandatum ipsi Petro factum de ovibus & agnis pascendis, tam de regia quadam dominatione, quàm de instructione per verbum Dei intelligendum? Præterea, quod ad priorem vestram criminis vestri in fratres translationem attinet, an non & Pontificij omnes, alijq; ecclesiæ hostes, idem pro seipsis, contra martyres dicere potuerunt? Sibi scilicet omnia quæ passi sunt imputare potuisse, quòd noluerint ipsorum errores amplecti, & Christi veritatem abnegare? Ne putetis hic satis esse dicere levia esse & parva, quæ vos vestris fratribus imponitis, martyres autem pro ipso fundamento occubuisse. Tam enim in parvis quam in magnis pro Dei verbo vitam quisq; suam debet deponere. Hinc septem illi fratres cum matre sua maluerunt mori, quàm edere carnem porcinam, quam tamen Deus pro tempore tantum prohibuerat, idque <sup>2</sup> Maccab. 7, 7.  
1 Sam. 21, 5  
Hos. 6, 6.

*Matth. 23, 4.* per cæremonialem legem, quæ in summa necessitate  
 cedere debuit charitati. Idem etiam constat tum ex  
 Mordecajo, tum ex multis aliis exemplis. An igno-  
*Isaïa. 2, 10.* ratis *reum esse omnium, qui offenderit in uno*, etiamsi  
 totam legem (excepto tantum illo uno) servaverit?  
 An quoq; vestra levia agnoscitis, & tamen mavultis  
 verbum Dei ad animarum plurimarum perniciem co-  
 hiberi, quàm illa vestra levia non observari? At ec-  
 clesia vestris illis fratribus non tantum habet opus,  
 quantum ipsi ecclesia? Siccine verò? Quis ferre po-  
 test paucorum victum & vestitum, aliaq; præsentis  
 tantum vitæ subsidia majora dici, quàm plurimarum  
*Philip. 2, 7.* animarum æternam salutem, tanti à Christo factam,  
*Act. 20, 28.* ut pro ea tum sese exinaniverit, tum pretiosissimum  
*1 Pet. 1, 19.* suum sanguinem effuderit? An non etiam potest  
 Deus aliunde illa omnia suppeditare? Neq; postre-  
 mò dicatis, vestros illos fratres *talenta sua occultare*,  
*Mat. 25, 25.* cum inutili illo servo: aut *lucernam suam subter mo-*  
*Matth. 5, 15.* *diam ponere*. Nihil enim hac in re faciunt, nisi sum-  
 mo cum suo dolore, à vobis coacti. Plurimis sanè  
 ex vobis & vestris hoc maximè convenit, qui aut nun-  
 quam, aut rarò prædicant, sed vel domi latent, eden-  
 tes (ut sæpe jam dixi) bibentes, ludentes, non tan-  
*1 Cor. 15, 32.* quam cras, sed tanquam nunquam morituri: vel alia  
 agunt, quæ ad ministerium non pertinent, & quæ  
 Deus à ministerio disjunxit, ac proinde quæ homo  
 cum ministerio non debet conjungere: siquidem ea-  
 dem sit ratio eorum quæ Deus sejunxit, atq; eorum  
*Matth. 19, 5* quæ Deus conjunxit.

21. Præterea, utcumq; ex æstu quodam, & divitia-  
 rum atque honorum plenitudine, pro tempore fratres  
 vestros vobis hætenus commendatos persecuti estis,  
 ita tamen ipsorum causam contra hierarchiam & con-  
 formitatem

forinitatem à vobis approbatam arbitror, ut non audeatis ex animo, ipsorum ad vos conversionem à Deo petere, sed in conscientiis vestris convictis ex verbo sciatis, vos potius debere ad ipsos convertere, quàm ipsos ad vos. Imò tanta mea erga vestri ordinis quoddam est charitas, ut mihi persuadeam, ipsos precari impedimenta omnia tolli, pacem suis fratribus fieri, & sermonis ostium aperiri, ad Evangelium & Christi ministerium per ipsos ita patefaciendum, sicut ipsos oportet loqui: ut manibus & viribus junctis communis hostis debilitetur, & tanquam Agag per verbi gladium dilanietur, donec ipsum Iesus Christus, virga sua ferrea, & tanquam vas figuli prorsus dissipaverit. Ira ergo de vobis persuasus tantò audaciùs vestram gratiam peto, pro serenissimi Regis gratia, ipsis impetranda (si ex vobis ipsis non poteritis) ad ministerium verbi, sine vel hierarchiæ approbatione, vel ceremoniarum observatione liberè peragendum. Quid enim? An infinitis contra Deum peccatis onerati audeatis, tum pro vobis, tum pro ipsis gratiæ divinæ thronum adire, & Regem mortalem non audebitis inclamare, contra quem non omninò peccastis (saltem ut vobis ipsi videmini) imò & contra cuius maiestatem nec ipsi vestri fratres peccaverunt, nisi in iis in quibus tum contra Deum, tum & contra seipsos etiam gravissimè peccarent, si in conformitate seipsos vestris placitis accommodarent? Sed à Regis forsitan ira metuitis. Quorsum verò? Hæc sanè vel nulla erit, vel statim sedabitur. *Ab eo potius timete, qui tam animas vestras quàm corpora potest perdere in gehenna.*

22. At quid tandem à Regis ira vobis metuitis? Ne & vos Episcopalibus vestris honoribus & divitiis abdicemini? An obliti estis quid Nehemia responde-

rit

In. 15, 19.

Colos. 4, 3.  
Ephes. 6, 19.

1 Sam. 15,  
33.

1 Sam. 12,  
25.

Math. 10,  
28.

Episcopos debere hierarchicos honores deponere,

*Neh. 6, 11.* rit Schemaia suadenti ut sibi per fugam in domum Dei confuleret? An vir (inquit) qualis sum ego fu-  
 geret? Ita & ego vobis dico, An viri quales & quanti vos estis huiusmodi timorem timerent? Quin potius ipsi vos ipsos abdicate, & tum Christo, tum Regi quæ sua sunt alacriter reddite. At durus fortasse iste sermo  
*Gen. 21, 11.* videbitur, qualis Saræ Abraham videbatur de Hagara  
*Matt. 16, 21* & Ishmaele ejiciendis; & qualis Christi Petro de pas-  
*Mat. 10, 21* sione sua: & qualis eiusdem adolescenti illi diviti de suis omnibus vendendis, & dandis pauperibus, Christo-  
*Act. 19, 24.* que sequendo: qualis Pauli Demetrio: qualis deniq; ipsius rursus Christi Iudæis de carne sua manducanda,  
*Iob. 6, 60.* & sanguine bibendo: Imò ita forsitan quibusdam ex  
*Matt. 10, 37* vobis durus, ut dicturi sint, *Quis ipsum potest audire?*  
*Luc. 14, 26* Quis huiusmodi consulentem ferre? Itane verò? An non omnia propter Christum abjicienda? At hoc est petere principium. Imò, quid pro vestra hierarchia dici potest, nisi quod Pontificii dixerint pro papatu? Ante Saraviam narum, tanquam seram quondam & intempestivè exclusam avem, omnes sanè theologi liberè agnoverunt (etiam ipsi in hoc regno Episcopi) Episcopatus vestros (quales jam sunt) humanæ tantum fuisse inventionis, non divinæ institutionis. Do-  
*In prefat. de Pontif. Romano.* ctissimus Whitakerus Episcopatum dicit ab hominibus quidem inventum in schismatis remedium, quod ipso tamen morbo magis perniciosum fuisse multi viri sancti & prudentes judicaverunt, idque post misera experientia demonstratum esse. An nolitis vos inter hos viros sanctos & prudentes numerari? Pontificiorum argumenta pro papatu, & vestra pro hierarchia eadem esse, multi tum ex vestris fratribus, tum alij theologi sæpe & abundè demonstrarunt. An non etiam Parkerus à vobis in exilium ire coactus, ubi etiam  
*Parkerus de Polit. eccles. lib. 2, c. 13.* obiit,



obiit, uberimè docet hierarchicos ad hierarchiam suam propugnandam fictitios multos patres producere? cap. 11.

An non antè satis abundè responderat ad hierarchicorum ex Patribus testimonia? Sed ut ad propositum redeam de hierarchicis vestris honoribus abdicandis, An non paria sunt abdicare & repudiare? An non Regia potestas episcopali dignitate major? Atqui Gideon oblatum sibi & filiis suis regium dominium in Israelitas, optimè respondit, *Non habeo ego dominium in vos, neque filius meus dominium habebit in vos, sed in vos dominaturus est ipse Iehovah.* O utinam ita respondissent antiqui Episcopi Christianis imperatoribus, ex majore zelo quàm scientia, honores eos ipsis offerentibus, quibus vos adhuc fruimini: & vos soli ex omnibus omnium Ecclesiarum reformatarum ministris. Tum utique hierarchia nunquam ad tantum fastigium sese evexisset. Sed proh dolor. Episcoporum ambitio Antichristum peperit.

Indic. 8, 23.

23. Præterea, an non manus & pes debet abscindi, & oculus erui (imò manus dextra, & oculus dexter) Matth. 5, 29 si hæc membra faciant ut offendamus? An vestri honores vobis aut chariores, aut magis necessarij, quàm 18, 18. & Marc. 4, 43.

illa vestra membra? Utinam etiam nimium omnibus non constarent vestra ex illis honoribus multiplicata peccata contra Deum, contra homines. Moses grandis factus renuit dici filia Pharonis filius &c. vestros Hebr. 11, 24 honores non puto vos dicturos majores quàm dici filium filia Pharonis, & quàm thesauris Ægypti frui. An non & vos toti cum Mose in præmij largitionem (futurum in cælis) intuemini? Absit. Nostis Exod. 32, 32 Mosis tum preces de se è vitæ libro delendo, tum Pauli Rom. 9, 3. votum de se faciendo anathemate pro bono Israelitarum. An hæc vestris hierarchicis dignitatibus, divitiis, &

Iona 1, 12.

deliciis sunt minora? Quid quòd Iona etiam, qui à Dei facie fugerat, ad sedandam tempestatem, & nau-  
tarum (etiam ethnicorum) salutem, se sponte obtule-  
rit in mare projiciendum? Magnam ex vestris hierar-  
chicis in Ecclesia locis, esse & diu fuisse tempestatem,  
ne vos quidem potestis negare. An plus est vos ipsos  
locis illis abdicare, & à dulcissimo vestro somno in lo-  
cis illis excitari, quàm Ionam in mare projici? Exem-  
pla quædam quorundam qui se Episcopatibus suis ab-  
dicarunt, habet ille Parkerus quem priùs nominavi.  
Primum est Gregorii Nazianzeni. Secundum est Hie-  
racis, qui hoc nomine plurimùm ab Isidoro Pelusio-  
ta commendatur, quòd scilicet præ æqualitatis amore  
Episcopatum recusarit. Tertium proponit Iohannem  
Beverlauium qui Episcopatu Eboracensi renuntiavit.  
Hæc tantùm verbo nomino, ut quæ fusiùs à Parkero  
tractentur. Cum illis autem quid impedit, quo mi-  
nus ego Marcum Antonium de Dominis nominem,  
qui apud vos nunc degens archiepiscopatum Spalaten-  
sem, cùm duorum regnorum primatu sibi exiit. Ne  
dixeritis hoc ab ipso religionis causâ generaliter factũ,  
non quòd perticulariter archiepiscopatum illicitum  
arbitraretur. Quid? An non contrarium potiùs vi-  
detur, quòd in libro, de professione suæ ratione (ut  
post plenius dicam) polliceatur se in nono suo libro  
post edendo de ecclesiæ repub. demonstraturum quàm  
parca esse debeat ministrorum sustentatio? Quid enim  
sunt tanti honores, quid tanta potestas, quantam vos  
tum vobis vendicatis, tum exercetis sine magnis di-  
vitiis? An non divitiarum honorum & potestatis quasi  
pabulum? An non in sexti libri post emittendi argu-  
mento dicit Ecclesiæ ministros in temporalibus nihil  
posse? An non post librorum omnium edendorum  
titulos

De polit. ec-  
cles. li. 1, cap.  
36.Sozom. li. 7,  
cap. 7.Socrat. lib. 5,  
cap. 7.

titulos ait, episcopos sub Romano potentatu, in temporalibus, ubi sunt opima beneficia, dignitate eminere seculari, magnates esse, conspicuos esse, principes esse, Episcopos autem non esse, nisi æquivocè? Vtrum hæc vobis non possint accommodari quales jam estis, vos ipsos iudices appello. Si sus mutatus jam, & ad lutum & vomitum suum reversus fuerit, quid hoc contra veritatem ab ipso agnitam? Nihil sanè magis, quàm quòd Balaam optimè ex Dei mandato & instinctu de Israelitarum fœlicitate vaticinatus, pòst tamen quasi palinodiam canens Balakum docuerit offendiculum ponere coram Israelitis, per quod Israelitæ ederunt ex idolothytiis, & scortati sunt. Tanta equidem veritatis vis, ut testimonium sæpe habeat ab ipsis impiis. Præterea, quid ni vobis commendem Reverendissimum vestrum Grindallum Cantuariensem archiepiscopum, tùm se passum ab officio suo suspendi, tùm ad illustrissimam Reginam Elizabetham scribentem, se de loco etiam cessurum, & redditurum quæcunque ex gratia eius Regia acceperat, si ita ipsi visum fuerit, potiùs quàm velit ex ipsius mandato Euangelij prædicationem cohibere, & prædicatorum numerum minuere? Sed quid opus est vel istis, vel ullis aliis eiusmodi exemplis? Quid alia omnia exempla ad exemplum ipsius Christi? Hic sanè *cùm in forma Dei esset, nec rapinam duxerit se cum ipso Deo parem esse, se tamen exinaniavit, & forma servi accepta, & hominibus similis factus, se tandem summisit & subiecit ad ipsam mortem, mortem nimirum crucis.* Vt ergo Apostolus Philippenfes hortatus est ab hoc exemplo, ita mihi liceat & vos hortari iisdem verbis, *Itaq; is sit affectus in vobis, qui fuit in Christo Iesu:* ad vos scilicet exinaniendos, & honores vestros hierarchicos deponendos, tùm propter Ecclesiæ bo-

Num. 23, 18  
 & 24, 3.

Apoc. 2, 14.

Philip. 2, 6,  
 7, 8.

1. Cor. 5.

num, tùm etiam propter majorem futuram vestram in cælis gloriam. Tantò magis ad hoc vos hortor, ut  
 Apo. 4, 10. vos ex viginti quatuor seniorum numero vos esse demonstreris, qui ante insidentem throno procidebant, & ante thronum coronas suas abjiciebant, summas ipsius qui throno insidebat laudes agnoscentes, prædicantes, & decantantes. Neque hæc facite inviti & mœsto animo, ut Phaltiel ab se abductam Michal flens dicitur secutus: sed alacriter, & lætè, tanquam gravi quodam onere levati, & liberati. Vt festinans de sycomoro  
 2 Sam. 3, 15 descendit Zachæus, & Christum accepit gaudens; nec  
 Luca 19, 6, 7, 8. non & gaudium suum testatus est dimidium bonorum suorum dando pauperibus, & quod cuiquam per calumniam abstulerat, reddendo quadruplum, ita sanè meliùs est de hierarchiæ vestræ sycomoro vos festinanter, sponte, & alacriter descendere, & hæc quæ hortatus sum, gaudentes facere (cùm præsertim hanc sycomorum vestram non ascenderitis ad Christum videndum) quàm post volentes nolentes facere, à Regia scilicet majestate, spiriùu divino afflata coactos.

24. Quod de hierarchicis vestris honoribus abjiciendis dixi, idem de cæremoniis quoque vestris, omnique conformitate intelligi velim: ut quæ tutiùs & sine ullo vestro detrimento unde fluxerint mittere poteritis: & quæ tamen ita strictè imponitis, urgeris, & non præstita severè punitis, ut pro ipsis non videamini omninò curare quid fiat de verbi prædicatione, aut populi ex verbo in fide ad salutem ædificatione. Deus quidem ait, *se velle misericordiam, non sacrificia*; & cognitionem Dei magis quàm holocausta (quæ tamen ipse mandaverat) vos autem videmini reclamare, vos velle cæremoniarum vestrarum observationem, non misericordiam, aut Dei cognitionem. Canones vestri  
 jubeant

jubent totam liturgiam sine ulla omissione singulis diebus Dominicis & festis, tempore matutino & vespertino legi, ut & cæremonias quoque omnes observari (nulla exceptione facta ullius ministri, vel ætatis vel infirmitatis) ecquid tale de verbi prædicatione mandant? Imò hanc jubent liturgiæ cedere. An ministrorum latera arbitramini esse ænèa? In omnibus vestris & Archidiaconorum vestrorum articulis, quæritur primò de libro precum communium, de superpelliceo decoro, de signo crucis, facto in omni baptismo, de geniculatione in cœnæ celebratione, & ad mentionem nominis Iesu, post autem de verbi prædicatione, sed admodum frigide, utrùm semel prædicetur in mense, vel quater in anno; idque vel per ipsum ministrum, vel per alium aliquem pro præsentis conductitium. Ita profecto vilescit vera religio, & florescit vestra conformitas, omnibus conclamantibus, Magna est conformitas Anglorum, ut aliquando clamabant Ephesij, *Magna Diana Ephesiorum*. Vt Doctissimus Mortonus refert, florente papismo, tres quidem fuisse in Ecclesia cathedrali Cantuariensi celeberrimas statuas, unam Christo, secundam Mariæ, tertiam Thomæ Becketo dicatam; & quotannis oblationum & munerum cuiusvis statuæ supputatione facta, Thomæ oblationes fuisse 800 ll. aut 1000 ll. Mariæ 200 ll. Christi autem aliquando 6 ll. 13 ss. 4 d. aliquando 3 ll. 6 ss. 8 d. aliquando verò in Registro scriptum, Hoc anno nihil. Ita Thomæ semper pars maxima, Christi verò minima: aliquando nulla. Similiter si accuratū hodiè scrutamen fiat de vestro gazophylacio pro subscriptione & conformitate; & Christi pro Evangelii sui prædicatione, longè plus proculdubio in illo

Añ. 19, 28.

Protest. ap-  
pellat. lib. 2,  
cap. 12, sect.  
12.

vestro gazophylacio inveniretis, quàm in hoc Christi. Multo nunc plures sunt in omnibus vestris observandis conformes ministri, quàm in uno Christi mandato præstando, de verbo tempestivè & intempestivè prædicando seduli: adeoque & plures ex populo vestris canonibus obsequentes, quàm verè in Christum credentes. An hoc parvum? An in tanta ecclesia, in tam Christiano regno ferendum? Præcipuos Papisimi errores, & qui veræ religionis fundamento maximè repugnant abolitos plurimi ex vobis gaudent: nec non & ita abolitos manere ex animo (verè credo) contendunt. Quid autem? An Antichristi capiti oppugnatis, & caudam tamen propugnatis, eamque vultis tenere, venerari, osculari? Gravissimi Patres, qui tanti hætenus Antichristi caudam fecistis, & ad eam adhuc retinendam ita contenditis, ut nullo modo possitis ullos ferre, qui vobis nolunt manus jungere, cavete, cavete (obsecro) ne tandem, & nimis citò, per hanc vestram pro cauda contentionem, tùm caput ipsum, tùm & totum corpus, huc denuò inveharis. Heu, Heu: Quid post sequetur? Annon tam de vobis, quàm de vestris fratribus, & omnibus hæc piis (quod ad hanc vitam attinet) actum prorsus erit? Multos quidem ex vobis spero constantes mansuros pro Evangelij substantia (ut vos loquimini) licet tantò majore cùm difficultate, quantò majore hætenus prosperitate floruerunt. Alios tamen vereor Antichristi huc reditum sperare, optare, & quantum possunt omnibus viribus moliri: adeòq; pellem suam muraturos, & palinodiam lætissimè cantaturos: vel potiùs papalem animum uberiùs eructaturos: nec non & papale suum virus, abundantius effusuros, non contra quosdam, sed contra omnes veritatis amicos. Tantò autem magis



væ ipsis, ut qui præ animi dolore clamarint : & ex spiritus amaritudine eiularint , Dei servis pro hilaritate animi canentibus, & ridentibus. Quid amplius? Merito profectò ex iustissimo Dei iudicio metuendum id nobis , (nisi Deus avertat) quod Iudæis minatus est Christus, ultimam huius regni conditionem deterio-  
Iſa. 65, 14.  
Mat. 22, 45

25. Vt paulò adhuc longiùs pergam, oculos (obsecro) vestros honoribus, divitiis, & rerum omnium affluentia plus satis hætenus clausos aperite, & sine omni contra vos ipsos fraude intuemini quæ adhuc videmini non videre : aut saltem liceat mihi quædam à vobis quarere de vestra cum Papa & papalibus episcopis similitudine & conformitate. An non ergo eodem modo, & cum iisdem ferè cæremoniis creamini & ordinamini ? An non iisdem vestibus induimini ? An non eosdem aut similes habetis ministros ? An non eadem insignia coram vobis feruntur ? Vt de maioribus adhuc vobiscum expostulem, an non de omnibus in religione quæstionibus judicare & determinare vobis vendicatis ? An ulli licet improbare quod vos approbatis ? An non qui contra quicquam à vobis traditum ausit mutire, eum facitis vocem ad placitum ? Imò, an non errorem ullum vel maximum à quovis ex vestro clero publicè prædicatum, per Canones vestros prohibetis ab ullo publicè confutari, nisi diocæ-  
Quæstiones quædam de Hierarchico- rum cum Pontificiis conformitate.  
Canon. 53.  
 seos

Colof. 3, 22.  
Ephes. 6, 6.

seos illius episcopo ubicunq; habitante prius consulto? Heu, quor interm animæ eodem infici, adeoq; perire possunt? Præter etiam severitatem illam prius dictam tum vestram, tum servorum vestrorum, & curialium, & domesticorum, an licet vel ministro ulli cum populo suo publicum jejunium celebrare, vel ullis Christianis aliis, ulla de causa (etiam privata) privatim convenire, & cum jejunio preces privatas simul facere, sine vestra autoritate, & vobis vel mandantibus, vel annuentibus? Si hæc vos non testentur aliorum fidei dominari, nescio quid sit dominari. Durius profecto ista videtur servitus, quàm ipsorum servorum secundum carnem. Nonvult enim Apostolus eiusmodi servos eiusmodi dominis servire, nisi cum timore Dei, faciendo Dei voluntatem. An vos nihil ministris, cæteroq; Dei populo mandatis, nisi quod vult ipse Deus? & de quo in verbo suo scripto voluntatem suam revelavit? Hoc probate. Quis tum refragabitur? Quis mandatis vestris de iis quæ mandavit ipse Deus non obtemperabit? Quid quòd nemini etiam liceat (ne Regiæ quidem majestati (ut audio) carnes in quadragesima, aliisq; temporibus interdictis edere, nisi à vobis facta facultate. An non hoc papale? An non qui apud vestra consistoria vel levissimè monitus, dic & loco dictis non comparuerit, contra ipsum (etiam inauditum) excommunicationis gladium statim nudatis; idque aliquando secundo, tertio, & quarto prioris excommunicationis sententia non prius liberatum? Si prius excommunicatus extra Ecclesiam eiectus fuërit, unde ipsum secundo ejicitis, & quò tandem abigitis non prius in ecclesiam receptum? Si prius Satanæ fuerit traditus, cui demum ipsum secundo, tertio, quarto devovetis? Idem dicendum videtur de mortuorum

rum apud vos ab excommunicationis sententia absolutione. Vt Papa se supra omnia concilia esse jactat; an non & vos idem de vestra potestate dicitis supra nationales omnes hic synodos? ut nullis vult legibus Papa subjici, an non ita & vos (contra præsertim vestros fratres) quicquid vultis facitis contra antiqua huius regni jura? An non proinde vobis accommodare potestis illud, Sic volo, sic jubeo, stat pro ratione voluntas? Imò & hoc unum mihi liceat à vobis præterea quærere, Num scilicet ex vobis quidam, quibusdam ex vestris fratribus ex conscientia sese non conformantibus dixerint Paulum ipsum, si adesset, hic non concionaturum sine vestra conformitate? Quid? An non Paulum immediatè à Christo in Majestatis & gloriæ suæ cœlesti solio ad apostolatatum vocatum, & in apostolatu suo, vel donis, vel autoritate nemini Apostolorum inferiorem; ad ipsum quoque cœlum tertium raptum, An hunc (inquam) non pateremini concionari, nisi sese vobis subjiceret, & vos ipsi potestatem faceretur? Quàm hoc arroganter dictum? Quàm imprudenter? Quid plus ipse Papa potest dicere? Hoc profectò unum vestram potestatem à Paulo non esse prodit. A quo ergo? An cæteri Apostoli summis sacerdotibus invitis prædicabant, & Paulum putatis vobis ipsi imponentibus silentium obtemperaturum? Quid hoc ferè aliud, quam dicere, vos Christum ipsum non passuros prædicare, sine simili conformitate? Nunc quidem non ferendo Pauli doctrinam à fratribus vestris (contra vos præsertim) prædicari, idem ferè est ac si Paulo, imò & ipso Christo os occluderetur. An non enim Paulus servus Dei, & Apostolus Iesu Christi, nec ab hominibus, nec per homines, sed per Iesum Christum & Deum patrem? Si præterea Paulus ipse

Act. 9, 3, &amp;c

2 Cor. II, 5.

Gal. 12, 4.

Act. 4, 19.

Lucæ 10, 16

Galat. 1, 1.

Añ. 55.

Añ. 13, 8.

adesset, & à vobis prohiberetur, quàm citò hunc factum retunderet? Quàm faciliè vel morte subita, ut Petrus, Ananiam & Saphiram, vel cæcitate ut ipse Elymam vos percuteret? Vt pergam, An non ægrè etiam fertis ullam vobis, pro ulla juris transgressione multam aliquando imponi? An non & idem constat ex vehementi vestra pro juramento quod dicitis ex officio contentione, nec non ex vestra oppositione (quantum poteritis) ad Regias prohibitiones? An non quoque Regiam majestatem, ut & nobilitatem conamini ita à vestris partibus facere, ut (si id fieri posset) ipsi huius Regni Iudices jura non audeant exequi? In Parliamentis, si quis ex Nobilibus, vel aliis huius Regni proceribus, ad vos aut vestros coercendos quicquam moverit, quantus ex parte vestra statim clamor, quantus sudor, quanta oppositio? Vt Papa omnia sua diplomata in suo tantum nomine promulgat, nullo vel Imperatoris, vel ullius Principis nomine dignatus uti; an non & vos idem facitis in vestris emittendis citationibus, sententiis ferendis &c? tum contra Regni huius jura, tum contra Iudicum aliorum omnium morem, qui Regis semper nomen suis scriptis præfigunt, tum denique ad proprium vestrum periculum, quandocunque Regiæ majestati visum fuerit hoc in quæstionem vocare? An non ut Papa suo clero matrimonio semper interdicit, ita & vos pro magna anni parte omni hominum generi interdicitis eodem? Quo alio (quæso) jure hoc facitis quàm papali? An non & idem possem quærere de dierum quorundam festorum solenniore vestra observatione, quàm ipsius diei Dominici? An non & hoc patet ex vespertinis antè jejuniis, ex pretiosioribus vestris vestibus, ex plurium lectione, ex aliis pluribus à vobis cæremoniis observatis,

servatis, quàm in diebus Dominicis? Quid aliud etiam potestis dicere pro fracta vestra musica, pro musicorum instrumentorum varietate in cathedralibus imprimis ecclesiis, quorum sub ipsa lege nullus erat in synagoga ullis usus, sed tantum in templo Hierosolymitano, ubi & sacrificia offerebantur, & reliquæ legales caeremoniæ observabantur? Quid (inquam) pro his potestis dicere aliud, quàm quod pro iisdem dicunt Papistæ omnes; Pro vaga etiam & ambulatoria (ut ita dicam) in iisdem ecclesiis precum, capitum, litaniarum, decalogi, scripturæ illius quam dicitis epistolam, & quam etiam vocatis Evangelium &c. pro vaga (inquam) hac & peripatetica horum omnium lectione a variis personis, variis in locis, quid potest dici, quam quod hic mos fuerit in ecclesiis papalibus? Hoc certum, ecclesias alias omnes reformatas illa omnia abegisse. Idem querere possem de genu flectendo ad nomen Iesu, magno cum strepitu, & ad impedimentum tum legentis, aut concionantis, tum auditorum: nulla præsertim à vobis mandata eiusmodi reverentia, ad nomen Dei, vel Servatoris &c. An non & idem possem querere de baptismi administratione in templorum quasi vestibulo, ac si ipse locus aliud esset sacramentum: & ubi nemo audit quid legitur, nisi pauci ibidem adstantes? Quanto melius videtur administrandus juxta locum, ex quo verbum ipsum legitur & prædicatur, ut omnes meliores essent testes, & tum melius audirent, tum melius intelligerent quid velit ipsum baptismi sacramentum? Hæc & alia eiusmodi plurima videntur potius ridicula, & papalem stultitiam magis olere, quàm aut Evangelij simplicitati convenire, aut ad ullam populi Dei ædificationem facere. Ne dixeritis vos illa facere ad Papistas vobis lucrandos.

Quos enim his modis lucrati estis? Quin potius ipsos in superstitione sua magis contra nostram religionem foveritis & induratis, ut qui proinde putent nostram mutilam atque mancā esse, nec posse stare sine ipsorum caeremoniis. An non etiam tantò magis ipsorum numerus crevit quantò maiore cum severitate priora illa observanda sunt imposita? De aliis etiam reformatis ecclesiis diligenti scrutamine factò, vix puto tot in omnibus vos inventuros Papistas, quot sunt in his Angliæ & Hiberniæ regnis. Ad hæc, an non ut omnia dicuntur vānalia Romæ, ita & dici possunt apud multos Hierarchicos & ipsorum curias? Deniq;, an non eiusmodi hierarchici suam causam pro honoribus, divitiis, & seipsis propugnant, ut ipsorum contra fratres pro Christo, & Christi gloria, etiam contra seipsos, hierarchiam oppugnant?

*Quæ causam  
hierarchicam  
magis suspen-  
dam reddant*

*Psal. 120, 3.*

26. Accedo nunc ad alia, quæ causam vestram hierarchicam apud viros omnes bonos magis suspectam meritò possint facere. In his proponendis, eadem mihi (quæso) liceat, uti *πρῆξις* & sermonis libertate, qua usus sum in prioribus. Quid enim ulli unquam profuerunt adulatoria verba? Hic primum occurrit, quòd ipsi Pontificij nunquam cautiore fuerunt (etiam ubi papismus maximè viguit & floruit) de imperito populo à scripturarum & Protestantium librorum lectione arcendo, ne scilicet ex lectione ab ipsis ad nos deficerent, quam vos estis oculati & cauti, ne quis fratrum illorum vestrorum libros contra vestram hierarchiam & conformitatem legat, atq; ita a vobis ad illos deficiat. Hinc vester, & ministrorum vestrorum labor & sudor, tum in bibliopolarum officinis, tum in aliorum ædibus, tum in maritimis omnibus oppidis pervestigandis ad eiusmodi libros inveniendos. At cum



cum inventis quid agitis ? Igni scilicet tanquam hæreticos sæpe traditis concremandos, ad maiorem alijs terrorem incutiendum. Reverendissimus ergo ille Marcus Antonius in illo suo libello de professione suâ consilio testatur, inter alia quæ papalem religionem sibi primùm suspectam tanquam adulterinam reddiderunt, ipsumq; ad secessionem à Romana ecclesia faciendam moverunt, hoc unum refert, quòd in Iesuitarum collegio vivens, illius societatis præfectos observaret, omni cum autoritate tùm juvenibus tùm aliis interdicere protestantium librorum omnium omnium lectione. Quid ni ergo & alii similem vestram animadvertentes curam de omnibus à librorum omnium contra hierarchiam & conformitatem vestram lectione cohibendis, vestram similiter causam & contentionem pro hierarchia & conformitate magis suspicentur? Si bona sit vestra causa, quid tanta cautione opus est de libris contrariis ab aliorum (etiam doctorum, & prudentium) lectione cohibendis? An veritas lucem fugit, aut angulos quærit? *πῶς ὁ Φαῦλα πράσων μισεῖ τὸ Φῶς, καὶ οὐκ ἔρχεται πρὸς τὸ Φῶς &c.* Maiorem profectò facitis libertatem excudendi, vendendi, emendi, legendi libros tùm papisticos, tùm maximè profanos, obscænos, omniq; turpitudinis & impietatis genere refertos, quàm ullos vel levissimè vestram hierarchiam & conformitatē reprehendentes. A papistis plebē à scripturis cohibentibus, à fido ab ipsis ex lectione periculo, quærit nostri theologi, an plus sit periculi ex lectione scripturarum, quàm ex lectione Ovidij, Plauti, Mantuani, & aliorum obscenorum poetarum, tùm à pueris, tùm ab adultis? An nō & idē fratres vestri possunt quæ-  
rere de ipsorum & aliorum theologorum libris legendis? An nō ex canone vestro novo cōtra omnē appellationē, nec nō & ex vestra opposi-  
tione ad Regias prohibitiones &c.

Ioh. 3, 20.

Can. 58.

proditis vos non audere causam vestram probari secundum Regni huius iura? An non & idem manifestum ex plurimorum vestrorum inimicitiis, contra æquissimos Iudices, qui Regias illas prohibitiones ijs concesserint, quos illi vestri oppresserunt? Quod ad iuramentum illud attinet, ædilibus aliisque ipsorum collegis impositum, hoc (tanquam extra elementum meum) aliis relinquo iudicandum, utrum legitimum sit nec ne. His & aliis vestris modis, & si aliquos vobis lucrati fueritis, qui vel à vobis sibi metuunt, vel sine vestra gratia unde vivant nesciunt, alios tamen viros prudentes fecistis, & vestram, & fratrum vestrorum causam penitiùs introspicere, & hanc quidem magis probare, illam verò magis detestari. Paucos lucrati, plures à partibus vestris abegistis. Imò certè vobis invitis, & vel maximè reluctantibus crescit hierarchiæ vestræ adversariorum numerus. Quod de Israele dicit Moses, id videte, ne de fratrum vestrorum numero dicatur, *Prout affligebant eum, ita auagescebat, & ita erumpebat in multitudinem.* Ita semper cum populo Dei erat, & ita semper fore non dubitandum. Vt durum erat Sauli, ita est & aliis omnibus contra stimulos calcitrare. Sanguis semper martyrum semen est ecclesiæ. Doctissimus ille Parkerus totus primùm vester hierarchicorum videns contra alios hierarchiam impugnantes severitatem, aliasque ipsorum rethnas observans, ad ipsorum monarchicam potestatem fulciendam, & à lapsu & ruina tuendam, penitiùsq; rem totam intuitus, quantum sit mutatus, vos ipsi nostis. Tantùm scilicet ut crucis vestræ signū crucifixerit, & quasi Iaelis paxillo cum malleo crucis illius templis infixio, ita jugulaverit, ut præter nudam vestram auctoritatem & violentiam (Papistarum telum maximum) nihil aliud habeatis

Exod. 1, 12.

Act. 9, 5.

Indic. 5, 21.

ris quo ipsum propugnetis. An non & idem dici potest de hierarchica vestra potestate ab ipso similiter labefactata, & demolita?

27. An non & à vobis quæri potest, qua æquitate vos aut vestri (quidam scilicet qui episcopatum sitiunt) subscriptionem vestrā in academias invexeritis, eamq; omnibus etiam pueris gradum ullum suscepturis imposueritis? An non multi in artibus baccalaureatum petentes ministerium sibi nunquam proponunt? An non omnes eiusmodi libros quibus subscribendum est prorsus nesciunt? Quid etiam juris civilis, aut medicinæ baccalaureatum vel doctoratum fumentibus cum subscriptione? At hoc vestrum fortassis non est opus. *Facile sanè ex parte credo.* Non enim mihi dubium est, 1 Cor. II, 18 quin multi ex vobis sint prudentiores. Quibusdam tantum imputandum, quorum malitia major quàm eruditio. Fortasse etiam ex ipsis collegiorum præfectis aliquis hoc molitus effecit. Sunt enim quidam ita ambitiosi, ut in nihil ita pruriant ipsorum digiti atque in episcopales honores, & ut dominorum titulo insigniantur. O utinam tantus esset illorum zelus pro unico omnium Domino Iesu Christo. Sed proh dolor, magis placet pictarum chartarum, & alcarum lusus, nec non & robacconis fumus, quàm ulla sinceritas, aut vera cura de bonis literis promovendis. Quid autem? An non propter hanc subscriptionem, multi pij parentes, ad academias suos filios non audent mittere? An non & multos tum juvenes religiosos, tum viros etiam doctos, magnoq; acumine præditos, adeoq; magnam ecclesiæ spem facientes, hæc subscriptio ab academiis arcet, & aliò sua studia convertere facit? O durum ergo, o crudele, o immane facinus. An non ita ad subscriptionem coactus, in spiritus sui amaritudine  
apud

Psal. 55, 11. apud Deum ipsum potest conqueri. Quæ ignoro re-  
 petunt à me? An huiusmodi subscriptio ex ignoran-  
 Hebr. 11, 6. tia, ex fide esse potest? An ergo placere potest Deo?  
 Rom. 14, 23. Imo an non peccatum? Quod dico de hac vestra sub-  
 scriptione in academias inuenta, idem intelligi velim  
 de subscriptione vestra omnibus Ludimagistris quoq;  
 Can. 27. imposita: etiam Anglicè tantum legere, aut scribendi  
 tantum artem docentibus, nunquam autem in mini-  
 sterium ingressum ullum somniantibus. & quid eius-  
 modi Ludimagistris cum ministerio? Quid ergo? Si  
 hoc vestrum non sit opus (ut spero non esse plurimo-  
 rum) penes vos tamen puto huius rei esse reformatio-  
 nem: vel scilicet ex vestra autoritate: vel ex humi-  
 lima ad Regiam maiestatem hac in re petitione, ne  
 unus Davus perturbet omnia, neve ullus unus Diotre-  
 phes primatum ambiens, sed non habens, primatum  
 tamen in omnes exerceat. Præter priora omnia, tanta  
 vestrorum servorum tum curialium (ut dixi) tum do-  
 mesticorum est erga vestros fratres austeritas, ut tantò  
 minùs audeant vel publicè vel privatè comparere, vel  
 si compareant, tristes & mæsti discedant. Maximè  
 verò nuntij vestri vel ad ipsos vestros fratres coram  
 vobis sistendos, vel ad ædes ipsorum pervestigandas  
 missi, longè duriùs cum iis quam cum ipsis papistis  
 agunt: ut qui scilicet tantis muneribus non possint  
 vel ipsorum oculos excæcare, vel ipsorum manus lini-  
 re, quanta largiri solent papistæ. Iam etsi his modis  
 quidam tales quales erat Demas hoc seculum amplexi  
 fratres suos reliquerunt, non tamen fratrum suorum  
 causam quicquam læserunt. *ἐδικαιώθη ἡ σοφία ἀπὸ τῶν  
 τέκνων αὐτῆς.* Vt sapientia quæ est superna pura est,  
 Iacob. 3, 17. pacifica, & plena misericordiæ, & veritas comites ha-  
 bet clementiam & mansuetudinē, ita errorem semper  
 comi-

comitatur superbia, fastus, crudelitas, atrocitas, immanitas, & quædam feritas: ut illa dicuntur fructus spiritus, ita hæc etiam inter opera carnis numerantur. *Galat. 5, 19:* Ut servum Domini non oportet pugnare sed esse placidum erga omnes &c. (an non & multò magis erga fratres) ita optimè nostis, quomodo servus malus describatur, & quid ipsi sit post expectandum. Tantò audaciùs hæc dico, ut tantò minùs putetis Dominum & vestrum & fratrum vestrorum adventum suum tardaturum. *2 Tim. 2, 24* Adhuc quidem tantillum (& tantillum tantum) tardat, *25.* sed qui venturus est veniet, neque tardabit, *Matth. 24, 49.* (scilicet ultra tempus sibi propositum) etli pro tempore surdum agat, cavete tamen (obsecro) ne cum impiis illis in Psalmo cogitetis, similem esse malis illis servis antè dictis. *Lucæ 12, 45* Imò cum venerit ipsos arguet, & ordine omnia objiciet oculis ipso-  
*Hebr. 10, 37* rum. Sed ex animo precor vos inter illos non inveniri. Vos fortasse vestrum apud alios contemptum fratribus illis vestris imputatis, sed cogitate potiùs quorsum Malachie temporum sacerdotibus minetur Deus se ipsos redditurum contemptos, & abjectos toti populo &c. *Malac. 2, 7, 8, 9.* An non tanti nunc facit Deus fratrum vestrorum lachrymas, quibus altare suum sæpe operiunt, quanti aliquando fecit justarum uxorum lachrymas effusas, quòd ipsarum viri ipsas dereliquerant, & secundas sibi acceperant? *Malac. 2, 13.*

28. Præter illa omnia hæcenus dicta, ut Pontificij suum habuerunt Indicem expurgatorium, longè efficaciorẽ ad Patrum scripta non errore: sed veritate purganda, quàm est ignis ipso-  
rum fictitiùs (quem Purgatorium dicunt) ad mortuos ullos vel puniendos vel maculis purgandos: ut isti (inquam) suum habuerunt eiusmodi Indicem expurgatorium, ita an non vos ipsos imitati vestrum quendam habuistis similem Indicem, ad

delenda, mutanda, corrumpenda quædam in aliorum scriptis, quæ ullo modo contra vestram hierarchiam aut conformitatem fecerunt? Vt mittam doctissimi Whitakeri opera longè aliter post ipsius obitum typis mandata & excusa quàm priùs ab ipso viva voce auditoribus tradita, & ab ipsis in auditu scripta fuerunt, ad alia accedo. Hic autem primò occurrit parva illa differentia (aliqua tamen) inter Marci Antonij de Dominis in libello de professionis suæ consilio quod secum attulit priùs excusum, & illud quod post hinc in Anglia typis est mandatum. Hic ipsius liber de consilii sui ratione summam continet decem illorum quos priùs de Republica ecclesiastica scripserat, & post excudendos promittit, & qui jam excuduntur, (aut saltem ex parte) Hic (inquam) liber illorum decem summam breviter complectitur. In noni autem libri summa ita primùm scripsit Marcus Antonius, & secum excusum duxit, in nono (inquit) *ad temporalia bona Ecclesie accedo, pluribusq; doceo, quam parca esse debeat ministrorum sustentatio, &c.* In secundo verò in Anglia hic excuso, ita est, In nono *ad temporalia bona ecclesie accedo, pluribusq; doceo qualis esse debeat ministrorum sustentatio, &c.* Non equidem magna est hæc differentia, illud (quàm parca) in hoc (qualis) mutari: aliqua tamen est & non prorsus negligenda: ut quæ doceat hierarchicos nostros magnis divitiis & beneficiis ita indulgere & inhære, ut ne parci quidem nomen ferre possint. Agnosco quidem mutationem illam aliquo modo posse excusari, propter nimiam multorum hodiè erga ministros parsimoniam, qui omne parum nimium esse putant & ex hac tamen parva mutatione sagaces profectò homines reliqua ipsius opera uberius excusa, vel excudenda tantò magis possunt suspicari, & (quantùm poterunt) diligenter



diligentiùs examinare. Sed his levioribus missis, ad  
 majora & crassiora venio. Ne tamen nimis vobis sim  
 molestus, doctissimi tantùm Bucani institutiones theo- <sup>Bucani insti-</sup>  
 logicas ex Latinis factas Anglicas, & excusas Londini <sup>utiones.</sup>  
 per Georgium & Leonellum Snoudon, anno 1606,  
 anno scilicet proximo postquam excusæ essent Latine  
 Genevæ opera Isaiæ le Preux; has inquam) institutio-  
 nes mihi tantùm examinandas sumam, vel alia exami-  
 nanda aliis relinquens, vel ex his aliorum vobis aliisq;  
 gustum præbens. Neq; tamen in istis singula possum  
 ad amussim excutere, sed quædam tantùm excerpam,  
 ex quibus satis manifestum erit quanta hierarchico-  
 rum illius temporis fraus fuerit, præsertim cùm ea quæ  
 excerpturus sum non talia fuerunt ex illius vitio qui  
 Latina in Anglica vertebat, sed ex hierarchicorum tan-  
 tùm autoritate, qui omnia ita fieri volebant. Sed ut  
 rem ipsam attingam, Primùm totus Alphabeticus In-  
 dex (non locorum communium, sed rerum, nominum  
 verborum &c.) omittitur, ita ut lector non facile possit  
 invenire quæ desiderat. Sic & Index omnium scripturæ  
 locorum; quæ in eodem opere explicantur. Tertio,  
 particularibus quæstionibus cuiusque loci communis,  
 nulla præfigitur numeri figura, ut in Latino authogra-  
 pho, unde difficile est discernere, utrùm tot sint Angli-  
 cæ quæstiones quot sunt Latine. Quarto, quorundam  
 ordo invertitur. Quinto, multa omittuntur Anglice,  
 quæ scripta sunt Latine, tum integræ scilicet quæstio-  
 nes cum suis responsionibus: tum quarundam & quæ-  
 stionum & responsionum partes. Sexto, Quædam tùm  
 quæstiones tùm responsiones multùm mutantur. Se-  
 ptimo, quarundam quæstionum affirmativa responsa  
 Latine, fiunt negativa Anglice. De tribus primis non  
 est verbis pluribus opus, ut quæ ex Latini & Anglici

1.

2.

3.

4.

5.

6.

7.

- libri tantum conspectu satis sint perspicua. Quod ad
1. quartam differentiam attinet, in loco primo de Deo
  2. quaestio 20 Latine, fit 24 Anglice: & quaestio 24 La-
  3. tine, fit 23 Anglice: & quaestio 21 Latine, fit 20 An-
  4. glice: & quaestio 22 Latine, fit 21 Anglice: & 23 La-
  5. tine, fit 22 Anglice. Quod ad quintam differentiam
  - attinet de omissione, in loco quarto de scriptura que-
  6. 7. stio 5 prorsus omittitur, quando coeperit scripturae ca-
  8. non. Sic & responsis ad septimam & octavam quaestio-
  9. nes eiusdem loci de libris Apocryphis multa desunt:
  - sic & responso ad nonam quaestionem eiusdem loci de
  - partibus novi testamenti: sic & responso ad eiusdem
  - loci quaestionem 22 unde sumenda sit scripturae inter-
  - pretatio. Sed in his non haberebo, ut quae non sint in
  10. ulla inter vos & fratres vestros controversia, vel magni
  - momenti. In loco 12, de conjugio quaest. 13. An
  - quis mortua uxore, aut legitime exclusa, aliam ducere
  - possit, haec secunda disjunctiva quaestionis pars (aut le-
  - gitime exclusa) Anglice prorsus est exclusa. Quorsum
  - hoc, nisi ad canonem vestrum confirmandum contra
  - innocentis partis in divortio pro adulterio matrimo-
  - nium, dum vixerit pars, quae peccavit? In eodem lo-
  11. co quaest. 14 magni momenti, cum toto responso de
  - parte adultera morte punienda prorsus omittitur.
  12. Quaestionis 15 eiusmodi loci, in responso Anglico, to-
  - ta pars prior & amplior, scilicet de Pontificiorum erro-
  - re in adulterio non puniendo morte, supprimitur. Ea-
  - dem est mutilatio Anglice responsi ad quaestionem de-
  13. cimarum. Quot modis dissolvitur ratum conjugium in
  - loco 13 de divortiiis. Idem dicendum de responsis ad
  14. 15. quaest. 12, & 13 eiusdem loci; licet quae hic omittun-
  - tur non tanti sint momenti, quanti sunt alia omissa.
  16. 17. Quaestiones etiam 15 & 16 eiusdem loci cum suis re-
- sponsis

sponſis prorsus exterminantur. Quàm mancum quoq;  
 & decurtatum est responſum ad quæſtionem ultimam 18.  
 eiufdem loci? In loco 42 de miniſterio: quæſt. 22 de 19.  
 gradu doctoratus in academiis cum ſuo responſo omit-  
 titur, Quæſtionis etiam 25 de miniſtrorum ordinibus 20.  
 responſo multa deſunt Anglice, quæ ſunt Latine. In  
 eodem loco quæſtiones 53, & 54 cum ſuis responſis 21. 22.  
 expunguntur. Iure ne ſcilicet Patres inter hæreſes nu-  
 merarint opinionem Arii, qui inter Episcopum &  
 preſbyterum nullum diſcrimen eſſe dixit. & anne cùm  
 Paulus inquit 1 Timotheo 5, 1. *προσέλεγε μὴ ἡμ-  
 παύης*, *ſeniores ne increpato*: & verſ. 19. *Adverſus  
 preſbyterum ne admiferis accuſationem*, &c. ſignificat ali-  
 quam eſſe Episcopi in preſbyteros authoritatem, &  
 hos illi ut ludici, ac ſuperiori obnoxios? Quorſum  
 hoc? Quia iſtæ quæſtiones & responſa ad eaſdem, hie-  
 rarchicam authoritatem vel maxime vulnerant. In lo-  
 co 47 de baptiſmo quæſtio 17, de baptiſmo ab Atha- 23.  
 naſio dùm puer eſſet per ludum adminiſtrato; cum re-  
 ſponſo Anglice taceretur. In eodem loco quæſt. 19, 24.  
 Vtrum in baptiſmo aliis liceat uti ſignis præter aquam,  
 & inter cætera quæſtione facta de ſignaculo crucis, An-  
 glice deſt huius ſignaculi crucis mentio. Idem poſt  
 eſt ſilentium de eodem crucis ſignaculo in responſo ad 25.  
 quæſtionem 60. Eidem quoque responſo deſunt quæ- 26.  
 dam Anglice quæ ſunt Latine. Vt quæſtiones omnes  
 de coena omitram, ut in quibus tum pauca, tum levio-  
 ra obſervavi omitti, in hoc loco 49 de magiſtratu, &  
 responſo ad quæſtionem 74 non poſſum comprehen- 27.  
 dere cur omitantur duæ ſcripturæ, Proverb. 24, 21.  
 & Matth. 26, 52. In responſo ad quæſtionem 75, 28.  
 Rectene Naboth 1 Reg. 21, 3. regi Ahab vineam peten-  
 ti & pretium offerenti negaverit, quid oleat maxime  
 respon-

- responsi partis omisso, melius potest prudens lector  
 subolere, (qui adulari nescit) quàm mihi expedit dice-  
 re. Plura omissa possem hìc interponere, nisi hæc suf-  
 ficerent. Pro sexta differentia, de mutatis tum quæ-  
 29. stionibus tum responsis cogitare quæso in loco 42 de  
 ministerio responsum Anglicum ad quæst. 21 de pa-  
 storum & doctorum differentia paululum mutari à  
 30. Latino. Ita in loco 47, de baptismo pro quæst. 47 La-  
 tinè, Estne Sponsorum quos susceptores, & compatres,  
 & patrilinos & matrilinas vocant usus necessarius, Angli-  
 cè tantum quæritur, an liceat patrilinis & matrilinis uti?  
 31. Deinde pro responso, Nec necessarius est, quia expressè  
 non præscribitur, nec simpliciter rejiciendus: Anglicè  
 autem sic, Licet, primò quia &c. Ad septimam jam  
 differentiam accedo, (quæ est prioris tantum species)  
 de responsis scilicet quibusdam Anglicè factis affirma-  
 tivis quæ Latinè sunt negativa, & contrà. In loco 42  
 32. de ministerio quæst. 51. Sintne vel esse debeant gra-  
 dus inter ministros, pro responso isto, ordinis, & poli-  
 tiæ quidem causa inter eos quibus docendi munus in-  
 junctum est, unus aliis præire potest, qui inter suos col-  
 legas non gradu (est enim inter pastores communis &  
 par autoritas) sed ordine primus sit &c. Anglicè re-  
 spondetur longè aliter in hæc ipsa verba, Etiam sine  
 dubio, nam Apostolus facit Episcopum, gradum supra  
 presbyteros aut alios ordinarios seniores. Deinde inci-  
 33. ditur in prius omissionis crimen, multis scilicet in eo-  
 34. dem responso prorsus omissis. Quàm præterea turpi-  
 ter idem responsum & minuatur & mutetur ad placi-  
 tum alicuius hierarchici, videat prudens lector ex utri-  
 usque comparatione tum Latini autographi, tum An-  
 35. glicæ versionis. In loco 44 de disciplina, quæst. 13,  
 penes quem jus excommunicandi esse debet, heu quàm  
 foede

foedè mutatur negativum responsum, non esse penes  
 unumquempiam, sive Episcopum, sive ordinatum  
 &c. in affirmativum, Anglice, in hæc verba, penes Epi-  
 scopum & Ecclesiæ præfectos, quam pastor debet pro-  
 nuntiare, ut constat 1 Cor. 5, 4. An hæc (gravissimi  
 Patres) sunt ferenda? An ullo modo excusanda? Quis  
 (obsecro) ex vobis privata sua dicta, ad alium privatum  
 tantum ferenda, ita mutari & mutilari ferret? An non  
 ergo multò majus est peccatum ministri verbi alterius  
 ditionis scripta publica, in hac nostra ita turpiter taceri,  
 minui, & ex affirmativis fieri negativa, vel ex negativis  
 fieri affirmativa? An non hoc contra Christi regulam  
 de proximo diligendo? Vos certe mendacissimum il-  
 lum diceretis, qui ita cum vestris tantum privatis dictis  
 ageret. An ergo ista bonam causam decent? An non  
 malam potius produnt? His ergo & aliis consideratis,  
 qua(quæso) fronte possunt nostri hierarchici reprehen-  
 dere Pontificiorum Indicem quem vocant expurgato-  
 rium, cum ipsi in idem crimen contra fratrum suorum  
 libros inciderint? An non ex hoc dolo pessimo aliisq;  
 omnibus prius dictis, plus satis manifestum est, ipso-  
 rum causam esse malam, fratrum verò suorum bo-  
 nam? Vtinam huius tandem ipsos puderet. Vtinam  
 priora omnia seriò apud vos cogitaretis, ne in totius  
 Antichristiani regni ruina, secundum scripturas instan-  
 te, & statim fere futura, vos simul cum aliis eiusdem  
 patronis ruatis & excidamini. Tanto etiam sancto me-  
 tu Romæ illa ruina vos percellat, ut melius deinceps  
 sapiatis. Non dubito (gravissimi Patres) quin optime  
 memineritis diram illam Iehoschubhæ cum adjuratione  
 execrationem contra surrecturum ad ædificandam  
 Iericuntem. An minus est peccatum edificare Romam?  
 An levior execratio contra eum qui ipsam lapsuram  
 fulcire

Mat. 22, 39  
 & 7, 12.

Iosb. 6, 26.  
 1 Reg. 16,  
 34.

1 SAM. 2, 30.

MARC. 8, 38.

fulcire conabitur? A fratribus ergo vestris qui totum Romæ regnum oppugnant, iram jam tandem vestram avertite, & contra eos convertite, viresque vestras stringite, qui toti ipsum propugnant. Ita pacato (obsecro) animo hæc omnia accipite, ut tum erga vestros fratres placatiores, tum ad Dei voluntatem conformiores posthæc semper facti, non tantum conscientiarum vestrarum dulcissimam pacem sentiat, sed verum etiam apud omnes ubique ecclesias reformatas honorem habeatis. Imò, si ita vos Deum & Christum honoraveritis apud homines hic in terris, Deus quoque in Christo *vos honorabit in calis coram omnibus gloriosis suis Angelis.* An non hoc sequitur à contrariis? Hic scilicet honor est vera gloria, omnibus hic hominum laudibus & honoribus plurimum anteponenda. Si hæc vos non commoveant, cavete ne Deus vos amoveat, & in hoc etiam mundo omnium ludibrio exponat, tantòque ignominiosiores faciat, tum quantò prius apud homines honoratiores fueritis, tum & quantò fratribus vestris majorem ignominiam feceritis: & majori adhuc ignominia eosdem confratres vestros per indicem novum expurgatorium, per octo hierarchicos, in libros ipsorum & editos & edendos conficiendum, dehonestare statueritis. Sed ut meliora de vobis spero, ita & meliora ex animo pro vobis precor. Inrerim sanè, etsi non audeam, nec quenquam alium velim personas vestras condemnare, sed multis respectibus putem posse commendari, & magna existimem reverentia esse dignas, ex præmissis tamen satis abunde constat, causam vestram nullo modo esse approbandam. Deus Opt. Max. pro infinita sua gratia & misericordia hanc meam amicam admonitionem faciat vobis pulchram & foelicem.



29. Si priora illa contra Bucanum & alios amplificarem à majore, Doctissimi nempe Parei in totam Pauli Epistolam ad Romanos commentariorum combustione, propter unam à nobis de subditorum erga Principes obedientia differentiam, excipiet fortassis aliquis, hoc ex Regiæ Majestatis mandato factum. Sed videat hoc objecturus, ne aliquis hoc Regium mandatum adulatoria sua Parei accusatione, extorserit: idq; non tam ex odio Parei, & veritatis à Parco in verbis aliis, presertim contra Hierarchicam potestatem propugnata, quàm ex animo tum nimis benevolo erga Papalem disciplinam & reliquam doctrinam, tum non satis benevolo erga Parei Dominum, Illustrissimum Principem Palatinum, totius doctrinæ Antichristianæ adversarium acerrimum. Periculosissimi profecto sunt eiusmodi sycophantæ, maximè Principibus. Si de quovis sycophanta rectè dixerit Diogenes, melius esse incidere *εἰς κόρακας*, quàm *εἰς κόλακας*, quantò rectius id dici potest de adulatoris Regum, quorum autoritas ex Dei autoritate sacra habenda est? Optimè sanè Pius I I. (licet Papa) ad Turcæ magnum ad fidem Christianam convertendum scribens, eundem Turcam monet, ne ipsum fallerent adulatores, domestica Regum & assidua pestis. An non & idem scripsit Regia nostra Majestas ad Nobilissimum suum Filium? Quidni ergo & dicantur tum Regiæ prolis, tum omnium ipsius Regnorum pestes & hostes tanto periculosiores, quantò sunt occultiores? Digni profecto sunt eiusmodi omnes sycophantæ poenis illis quas infligit David, tum Hamalekitę nuntianti Saulis mortem, tum Rechabo & Baanaho Ishboethethi caput ad Davidem afferentibus, ut ita nimium tanquam læta narrantes, Davidi gratulentur. Tanto sanè digniores sunt istius-

2 Sam. 4, 15.

Cap. 4, 9.  
10, 11.

modi sycophantæ omnes eiusmodi pœnis, quanto Regiæ Majestati ex naturæ vinculo conjunctior est ipsius proles, quàm vel Saul, vel Ishbosheth Davidi. Quinetiam & caveant isti sycophantæ, quicumque putantes se ullo modo placentia loqui Regi, ne suas illas ficus melle ipso pro præsentī in ore dulciores, tandem tamen in ventre suo sentiant ipso felle amari-ores, ut illi, Hamalakita, Rechab & Baanah, multiq; alii. Præterea, an parum est subditum ullum suiipsius improbitatem sub Regii mandati prætextu occultare? An non & talis morte quoque dignissimus? Denique, ut rem ipsam altiùs adhuc penetrē, & stultam hanc facinoris illius contra Pareū excusationem detegam, nec non & vulnerem, quis verè prudens satis mirari potest, tantam exactā severitatem contra unum doctissimi, & nobis amicissimi viri librū integrum, in quo multa piè & optimè de multis præcipuis fidei articulis scribuntur, & tamen multos Papistarum, Deo & hominibus (in primis principibus) adversariorum libros, multis tum contra Deum horrendis blasphemiiis, tum contra Principes (maximè præsertim religiosos) perniciosissimis erroribus refertos, impunes prorsus ferri, & passim ubique liberrimè volitare? Sed proh dolor, Hierarchicis nostris (vel saltem ipsorum plurimis) charior est suiipsorum hierarchica potestas, quam vel ulla Dei veritas, vel Regum potentissimorum majestas.

30. Putaveram hìc quædam interseruisse de ecclesiasticis senioribus, quos theologi orthodoxi κυβερνήτας dicunt, & quorum potestatem apostolus κυβερνήσιν dicit, & quos distinguit à pastoribus & doctoribus, dignos tamen pronuntiat duplici honore, licet istos velit in hoc honore maxime spectari. Imò qui etiam vocantur Rem. 12, 8. ἀποστόλοι: & quos denique Apostolus pastoribus & doctori-

1 Corin. 12,  
28.

1 Tim. 5, 17

Rem. 12, 8.

doctoribus adjungit, tanquam socios & adjuutores ad meliorem Ecclesiæ administrationem: ac proinde qui æquè esse debent in ecclesia perpetui atq; ipsi ministri verbi, & ex quorum apud nos defectu, ita omnia peccata scatent & ubiq; grassantur, ut omnes videmus: & quorum denique nostri ediles sunt quædam quasi ruderæ, in testimonium contra omnes qui hoc munus ab Apostolis unquam positum fuisse negant, adeoque quos aliæ ecclesiæ sub hoc nomine secundum ipsas scripturas habent & tenent, nostri autem hierarchici, & eorum affectu rident, & ex contemptu omnibus contumeliis cumulant, & per ludibrium dicunt aldermanos: ita scilicet per huiusmodi scommata civilium quoque magistratuum latera transfodientes. De his (inquam) quædam interposuisse putaveram: sed quia in prioribus ampliorem & locupletiozem meam hanc fuisse admonitionem video, quàm ipse mihi prius proposueram, vel vos credo velitis, & quia pauca adhuc dicenda habeo, proinde satis erit me eorum nomina brevi hoc tantum modo meminisse. Hæc autem ideo memini, ne si prorsus tacuissem me in ipsis vel oppugnandis, vel saltem negandis, cum aliis ipsorum adversariis confortem facerem. Doctissimè modestissimèq; de senioribus hisce ecclesiasticis scripsit non ita pridem reverendissimus D. Gersom Bucerus, ecclesiæ quæ Veriæ apud Zelandos colligitur, pastor, contra Hierarchicum Georgij Downami scriptum. At filet Downamus, os illi obturavit ex eo tempore episcopatus; silent hierarchici reliqui. Quid ita? in vivis adhuc est Doctissimus Bucerus. Videtis satis vos vi argumentorum è sacra pagina convictos: mavultis hodiè (D. Episcopi Anglicani) pugnare flammis contra Paræum in cæmiterio templi Paulini Londinensis, autoritate Regia, & literis regis

contra Bucerū minacibus, quā solidis è sacra Scriptura argumētis, quibus vosmetipsos in mala causa destitutos animadvertitis. Simulatis vos de Altare Damasceno ne audivisse quidem. parum curatis (eò pro dolor venistis, aliqui saltem ex vobis, impudentię) quid contra vos (licet auctoritate divina probatum) pro veritatis defensione in lucē edatur, dummodo vos auctoritate Regia muniti, honores vestros unā cum divitiis vestris hierarchicos retinere queatis.

31. Si contra omnia de deponendis hierarchicis vestris honoribus, nec non & de vestra in cæimoniis imponendis & urgendis severitate remittenda, & cum fratribus vestris pace facienda, dixeritis (ut ante) vos metuere, ne Regia Majestas vobis indignata, vos verē deponat, & alios in loca vestra sufficiat, tum pro cæimoniis premendis duriores, tum contra illos quos hactenus dixi vestros fratres, reliquumq; Christi gregem ferociiores, quasi in his omnibus nihil ex vobis ipsis, sed omnia ex regis auctoritate & instigatione feceratis, hæc quoq; mihi meliorem de vobis spem faciunt, ut ex quibus videamini talem in vobis sentire spiritus & carnis luctam, inter nimirum fratrum vestrorum causam & priorē vestrū hactenus contra ipsos cursum, qualem in utero suo sensit Rebecca inter Iahhakobum & Esāum. Quid ergo? Scilicet etsi in Rebecca utero Esau superavit Iahhakobum, adeoq; prior ex utero erupit, quem tamen Deus prædixit à Iahhakobo post superatum fore, ita sanē videor mihi præſagire, errorem vestrum de hierarchia & conformitate, jam quidem in vobis prævalentem, adeoq; & prius prodeuntem, nec non & vos gentem facere malum quod nolitis, bonum autem quod velitis non facere, post tamen à veritate superatum fore, & omnem illam vestrā pro hierarchia acrimoniam, cum vestra

Gen. 25, 22  
23.

Rom. 7, 19.

vestra quoq; contra fratres acerbitate, tum Christi veritati, tum erga fratres clementiæ & mansuetudini cessuram & servituram. Sed ut de huiusmodi metu, quædam prius dixi, ita nunc pauca plura liceat mihi addere. Quorsum ergo vobis tantopere metueretis à Rege tam docto, tam religioso, tam erga Majestatis suæ aliquando adversarios clementi, benigno, & facili ad faciendam ipsis veniam, qui indignationem ipsius sunt justè commeriti? An vos ex hac vestra ab hierarchicis honoribus abdicatione, & erga fratres vestros mansuetudine, imò & cum ipsis communione ipsius contra vos majestatem provocabitis? Absit huiusmodi omnis cogitatio de tanto Rege. Quin potius gaudebit de tanta Dei gratia vobis facta. Præterea, si verè hoc vobis metuatis, unde hic vester metus nisi à vobis ipsis? Priusquam enim ad hæc Angliæ sceptrum Deus ipsum evexerat, nihil eiusmodi in Scotia metuendū ulli erat. Imò tū omnē hierarchiam, tū cærimonias & ritus alios omnes papales ex regno illo suo prorsus ablegaverat. Memineritis etiam (obsecro) majores vestros episcopos omnia hæc hinc relegare potuisse, & tamen noluisse. Anno profectò xiiij. Reginæ Elizabethæ, in Parlamento tū celebrato, missos quosdā episcopos, aliosq; etiā ex Convocatione ad subsidium à clero cōcessum ex more majestati suæ exhibendū, ita gratiosissimè est allocuta, Se multa (dicens) audivisse esse quæ in his ecclesiis reformatione haberent opus, quæ si certò intelligeret, nō clausurā se suos oculos nisi prius facta reformatione: Se autē in ipsis spem suam reposuisse, tanquam ecclesiarū harū oculis, ad videndū si quid esset, quod esse non oportuit: ac proinde culpam omnem in ipsos esse transferendam, si quid remanserit verbo Dei non consonum, & quod reformatione opus haberet. Præclara profectò verba,

& tanta Majestate digna. Dignissima etiam quæ ad omnem posteritatem literis aureis conscripta transmittantur. Sed quid illi præfules, ita à collegis suis missi & hæc audientes responderunt? Nihil equidem, nisi omnia fuisse bene. Obliti scilicet quod in præfatione publicarum precum libro præfixa, publicè prius agnoverant, *Optandum esse, Antiquam Ecclesiæ Primitivæ disciplinam restitui.* Quod insuper ad metum illum vestrum attinet, videte ne per eam Religiosi nostri Regis majestatem lædatis ad vestram socordiam & ignaviam excusandam. Deinde, An Esther & Nehemia divina gratia freti, & jejuniis precibusque prius armati non timuerunt sibi Ethnicos principes adire, eosque pro populo Dei & templo Hierosolymitano interpellare, neminem ex eorundem principum aulicis amicis habentes, & vos non audetis Christianum Principem, fideique defensorem, in causa tam bona, tam pia compellere? cum præsertim noveritis multos ex ipsius religiosi Nobilibus vestram eiusmodi submissionem, & pro Ecclesiæ Dei petitionem Regiæ Majestati vobiscum commendaturos? Si Principes etiam illi Ethnici gratiam fecerint Esteræ & Nehemiæ, an à nostro Rege similis gratia non est multò magis speranda? Si verò ex justo Dei judicio pro infinitis huius regni clamantibus peccatis, Rex noster seriò velit, tum hierarchiam vestram manere, tum & cæremonias vestras adhuc observari, nec non & fratres illos vestros semper coerceri, adeoque & Evangelii prædicationem cohiberi (quod absit) unde hæc tanta Regii sui animi mutatio nisi à vobis ipsis, & ex vestra pro hierarchica vestra potestate contentione?

32. Si tales etiam velitis esse Episcopi, qualem fuisse  
2 Tim. 1, 6. Timotheum contenditis, An Deus vobis spiritum timidi-

Esther. 5, 1.  
Nehem. 2, 2.



miditatis dedit, & non roboris & charitatis? Absit, vos vestrum honorem Episcopalem ita dicendo dedecorare. Quin potius ita corroboramini, ut Timotheum voluit Paulus corroborari, *ἐν τῇ χαρίτι τῇ ἐν χριστῷ Ἰησοῦ*. Nolo vos premere fortitudine cuiusmodi vel prophetarum, Iohannis Baptistæ, apostolorum, & aliorum quos pro fortitudine commendant scripturæ, vel etiam Episcoporum nonnullorum, quos ecclesiastici scriptores erga Imperatores ipsos fortissimos fuisse referunt, In his enim vos melius versatos esse quàm meipsum, ut oportet, ita liberè & ingenuè agnosco. Vnum tamen (obsecro) recordemini Amphilochem (quem Theodorus Episcopum dicit Iconij: Sozomenus autem obscuri tantum cuiusdam oppidi sacerdotem). Hic veniens cum quibusdam de Episcopis, (ut Sozomenus ait) solus autem (ut Theodorus) ad Imperatorem Theodosium visendum, idque ex animo supplicandi contra Arianos, more debito primum salutavit ipsum Imperatorem: Imperatoris verò filium (tum tantum puerum) adstantem non omninò honoravit (secundum Theodorum) aut saltem (secundum Sozomenum) non tantum ei exhibuit honorem quantum exhibuerat ipsi Imperatori: sed tantum dixit, Salve fili, simulque caput manu demulsit. Hoc indignè ferens Imperator, filio suo non parem cum seipso præstari honorem, idque ex maiestatis suæ contemptu fieri interpretatus, Amphilochem statim iussit cum dedecore foras exterminari. Raptus autem à lictoribus Amphilocheus, ad Imperatorem conversus fortiter dicit, *Ad hunc modum Imperator existima, cælestem quoque Patrem excandescere in eos, qui Filium cum Patre non aequaliter honorant, & genitorem inferiorem nuncupare audent*. Hoc admiratus Imperator, nimium ante incli-

nans

*Theodori. li.  
3, cap. 15.  
Sozom. lib.  
7, cap. 6.*

- nans ad Arianismum? Amphilochoium statim revocat,  
 & veniam ab ipso deprecatus, verè ipsum locutum ag-  
 noscit, & ab omni Arianismo statim est mutatus. Vi-  
 detis hìc (Patres reverendissimi) Amphilochoii fortitu-  
 dinem præclaram, videris eiusdem successum opti-  
 mum. Scilicet, *Res tempore suo, o quàm bona est? Velut*  
 Prov. 15, 23. *mala aurea cum figuris argenteis est verbum dictum com-*  
 Prov. 25, 11. *modè. Fidelia (quoq;) sunt vulnera amici: & qui cor-*  
 Prov. 27, 6. *ripit hominem (etiam maximum) gratiam post conseque-*  
 cap. 28, 23. *tur, potius quàm qui blanditur lingua. Quid ni ergo &*  
 vos secundum illud exemplum, & has scripturas eun-  
 dem sperantes successum, eadem utamini fortitudine?  
 Prov. 21, 1. *Vt omnium ita & Regis animus est in manu Dei,*  
*tanquam rivi aquarum. Quocunque vult incli-*  
*nat eum. Quod vestrum est, id agite. Deo successum*  
*relinquite. An non Principes errore aliquo impliciti,*  
*æquè hodiè admonitionibus opus habent atq; unquã?*  
*An non Deus vult tam reges & quosvis eminentes,*  
*quàm alios salvos fieri, & ad agnitionem veritatis ve-*  
 E Tim. 2, 4. *nire? An ad hoc perficiendum, non tam admonitiones*  
*adhibendæ, quàm pro ipsis preces faciendæ? Quis ad*  
*hæc vocatus, Principes potest dici diligere, qui hæc non*  
 Lev. 19, 17. *præstat? Imò quis eiusmodi non potest verè dici tam*  
*Principes odio habere, qui ipsos peccantes liberè non*  
 Ioba. 3, 15. *corripit, quàm ullum alium fratrem? Imò an non*  
*æquè homicida est, qui ita testatur se odisse Principes,*  
*atque qui eodem modo odium testatur vllius fratris?*  
 Eximia Ed- 33. Vnum adhuc aliud exemplum, liceat mihi vo-  
 mundi Grin- bis commendare, non quidem (quod novi) usquam  
 dalli fertien- scriptum, sed quod tamen multos ex vobis novisse pu-  
 do. tem. Hoc est Reverendissimi illius Patris, Edmundi  
 Grindalli Archiepiscopi Cantuariensis. Hoc tantò vo-  
 bis est aptius, quia vestri fuit ordinis, & quia in eadem  
 fere

ferè causa, in qua vestram fortitudinem nunc postulo, se fortissimum præstitit. Reginea enim Majestas, non proprio suo Marte, sed ex quorundam aulicorum maligna adulatione, & tacitis contra Euangelium inimicitiis, ipsi mandaverat, tum concionatorum numerum in quavis diocœsi minui, tum prophetiarum exercitia (tunc ubique frequentia) & ministrorum conventus coerceri. Quid ad hæc respondit vir ille optimus & eximius? stupore quodam præfenti ex tam duro mandato perculsus, prorsus tacens, ad domum suam totus mœstus se contulit. Post verò gravissimas, doctissimas, religiosissimas & amplissimas literas, ad Regineam majestatem propria sua manu scripsit, & misit. In his multa profectò sunt, tum tanto viro dignissima, tum & quæ vestros possint spiritus acuere, & cordatiores quoq; vos facere. Primum à priore suo metu præfatur, ut qui videret duri illius mandati executionem, tum Regiæ personæ periculosissimam, tum tori hic Dei ecclesiæ perniciosissimam futuram. Tum omni cum humilitate & humilima gratitudine beneficia à Regia sua majestate accepta agnoscit tantò fuisse majora, quantò ipse iis fuerat indignior, adeoque se tantò magis obstrictum esse dicit ad respondendum per literas: apertè etiam negans ullum sibi esse animum contra Majestatem suam ullo modo peccare, nisi Dei causa, Ecclesiæ officijque sui ratione & conscientiae testimonio id postulantibus. Post ab adjunctis quibusdam ministrorum ex Ezekiele demonstrat ipsos non debere Ezek. 3, 17.  
Ec. 33,  
2, 6. adulari, sed de venturo gladio admonere, & à peccatis revocare, ne alioqui sanguinis se reos facerent, &c. Tum veniam precatur si priori suo mandato non obtemperaverit, à magna Dei ira

2 Sam. 24, Hezekiæ humanitatem in legatis Babyloniis accipien-  
 2 Reg. 20, 13 dis. Priora amplificat hic vir clarissimus ab exemplis  
 2 Reg. 20, 14 Gadi reprehendentis Davidem, & Isaiæ redarguentis  
 Isai. 39, 3. Hezekiam, &c. nec non etiam & Eliazeris similiter ob-  
 2 Chron. 20 jurgantis Iehoschaphatum pro foedere inito cum im-  
 37. pio Achazia. His addit exemplum Ambrosij Impera-  
 Centur. 4, 64. torem Theodosium suadentis impium suum revocare  
 5. pa. 1560. edictum pio cuidam Episcopo factum de Iudaica qua-  
 dam synagoga reedificanda, à Christianis prius fundi-  
 tus subversa. Deinde plurimum dicit se miratum quo-  
 modo opinio tam mira ipsius animum incesserat, Ec-  
 clesiæ paucos concionatores sufficere, cum scriptura  
 tantopere commendet uberimam Euangelij prædicationem,  
 Math. 9, 37. jubeatq; precari plurimos in messëm Domini  
 operarios emitti, doceatque templum Hierosolymita-  
 Lucæ 10, 2. num extruendū habuisse centies quinquagies ter mille  
 2 Chron. 2. sexcentos operarios &c. Huc multa alia ex novo Testa-  
 6. 17. mento accommodat, mandatum nempe Christi de Euan-  
 Marc. 16, 15 gelio prædicando *cuius creature*: Pauli ad Colossen-  
 Col. 3, 3, 16. ses præceptum de Christi sermone in ipsis habitando  
 Titus 1, 5. copiosè &c. sic & ad Titum de presbyteris *κατὰ πόλιν*  
 constituendis &c. Hæc & alia plurima accomodat ad  
 necessitatem demonstrandam plurimorum conciona-  
 torum & doctorum ad populum instruendum. Hoc  
 quoq; magis confirmat ab effectis, magna scilicet po-  
 puli erga magistratus obedientia ubi verbum uberimè  
 prædicaretur; quod etiam illustrat à Londinensium  
 acclamationibus, & precibus, multisque aliis gaudij te-  
 stimoniis ad Majestatis suæ conspectum, his omnibus  
 manantibus ex uberiore verbi prædicatione Londini,  
 quàm alibi. Idem amplificat à contrariis rebellionibus  
 & insurrectionibus, ubi verbum non ita prædicaretur.

Tum

Tum interpositis quibusdam de cura sua collocandi concionatores in provincia Eboracensi ubi prius fuerat etiam Archiepiscopus, & de ipsorum fructu, ut etiam de modo prædicandi sine eloquentia humana, & cum omni simplicitate, nec non quoq; de occultis quorundam contra verbi prædicationem oblocutionibus ad ipsam religionem in contemptum trahendam (ut hodiè trahitur ex ministrorum abdicatione, & multorum bonorum multis molestiis) Istis (inquam) interpositis, occurrit objectioni de homiliarum lectione, eam dicens nullo modo comparandam cum verbi prædicatione, sed Eduardo sexto (beatæ memoriæ Principe illustrissimo) regnum incipiente inventam fuisse propter prædicatorum paucitatem; oportere tamen ex huius Regni statuto prædicationi cedere: ut quæ nunquam haberetur sufficiens, ad populum instruendum. Idem post addit de aliis eruditionis inter ministros exercitiis, præcipuè de prophetandi modo tum in more, ad sacram literarum cognitionem augendam. Inò huius multis enumeratis commodis (proh dolor ergo quod ita jam profligetur) dicit eius abrogationem plurimis impiis fore gaudium, quod & omnes hodiè pij summo cum dolore vident ex fratrum vestrorum tanto silentio. Denique omni cum humilitate concludit, se non posse salva conscientia sine peccato contra Deum assentire ad exercitia illa cohibenda, multò minùs ad ullas emitendas monitiones de iisdem per alios cohibendis, ut qui cum apostolo posset dicere, sibi Deum non dedisse potestatem ad subversionem, sed ad ædificationem Ec- 2 Cor. 10, 8.  
clesiæ: & rursum, se nihil posse adversus veritatem, sed cap. 13, 8.  
pro veritate. Postremò addit, si Regiæ suæ Majestati visum fuerit, ipsum de loco suo movere, paratissimum se fore cum omni humilitate reddere quod acceperat,

Hebr. 10, 31.

ut qui consideraverit , quàm *horrendum* esset in manus Dei incidere , & qui quicquam facit reluctante conscientia, ipsum thesaurizare sibi iram. Et quid (inquit) mihi lucraret , ( non dico si lucratus fuero Episcopatum , sed ) si totum mundum lucratus fuero ? Tandem

Mat. 16, 26

veniam precatus , si in terrestrem ipsius majestatem maluerit peccare , quàm in coelestem ipsius Dei , duo præterea petit ; primum de rebus ecclesiasticis quæ religionem & doctrinam aut disciplinam spectarent , ad Episcopos aliosque theologos referendis &c. secundum , ne quando ageret de rebus fidei , & religionis , Ecclesiamque Christi spectantibus , quæ est ipsius sponsa , maximo pretio empta , ita peremptorie pronuntiaret , ut solebat de rebus civilibus , sed semper cogitaret in rebus Dei , voluntatem Dei , non terrestris ullius creaturæ locum debere accipere : Antichristianam autem vocem esse , Sic volo , sic jubeo , stat pro ratione voluntas. In rebus etiam Dei ,

Psal. 2, 10.

Principes omnes ait oportere sceptrum suum subicere Dei Filio , os ipsius consulere , quid sit agendum , ut David hortatur Reges omnes aliosque terræ Iudices facere cum reverentiâ & tremore. Ad omnia concludenda , monet ipsam meminisse , se esse mortalem , & ( ut dictum erat Theodosio ) non spectare purpuram aliaque indumenta Regia , sed considerare quid his tegetetur , carnis nimirum & sanguis , pulvis atque cineres , corpus corruptibile , in terram suam reversurum , ipsamque tandem comparituram coram tremendo tribunali Christi crucifixi. Postremò hortatur apud se recordari , quòd etsi potentissima esset Princeps , potentior tamen esset qui in coelis habitat. Imò in visceribus Christi ipsam obsecrat , in consiliis suis omnibus de religione Deum



ob oculos sibi proponere, & omni deposita terrestri majestate apud se statuere obedientiam præstare voci ipsius, nec non & cum omni humilitate dicere, *Non mea, sed tua fiat voluntas*: idque tantò magis propter multiplicia beneficia, quibus Deus ipsam locupletaverat, multiplicemq; prosperitatem, per quam Deus ipsam gloriosam fecerat.

34. Hęc, hæc (Reverendissimi Patres) fuit illius Reverendissimi Patris fortitudo. Quantò uberiùs hanc explicavi, tantò magis eandem vobis accomodate. Quod Christus ab exemplo Samaritani dicit legis interpreti; *Abito, & fac tu similiter*, idem vobis singulis dictum arbitramini. Neque tamen quod ex literis commemoravi de rebus religionem spectantibus ad Episcopos aliosque theologos referendis, id ita interpretemini, quasi ipse putaret ad Regem nostrum & Parliamentum ex omnibus huius Regni ordinibus compositum nihil pertinere de religione statuere, (hoc enim & aliorum & Episcoporum omnium juramento de summa Regis in omnibus causis, & in omnes personas intra regna sua autoritate repugnat) sed hoc tantum voluit, nihil debere ab ullis Principibus ex illa ipsorum autoritate mera de religionis dogmatibus determinari, sed consulendos etiam esse Episcopos & Theologos, & secundum ipsorum ex sacris scripturis iudicium agenda esse omnia. Papistarum est, solos Episcopos decisiva (ut loquuntur) habere suffragia in conciliis omnibus: reliquos autem ministros approbativa tantum: eorum scilicet quæ episcopi statuerint: Laicos verò nulla omninò. Sed quàm ista absurda? In prima & optima synodo Hierosolymitana, non tantum erant Apostoli, sed alij etiam presbyteri, & tota quoque Ecclesia Hierosolymitana: &

Luc. 10, 37.

Act. 15, 6.  
12, 23.

tam ex presbyterorum & reliquæ Ecclesiæ, quàm ex  
 Apostolorum sententia omnia acta erant. David ad  
 arcam in locum suum ducendam diserte dicitur iniisse  
 consilium, cum Chiliarchis & Centurionibus, & cum  
 tota cogregatione Israelitarum: Cùm autem ex Huz-  
 zia à Deo percussione errasse se & alios videret impo-  
 nendo arcam plaustro, Pelistæorum potiùs exemplum  
 imitatos, quam legem recordatos de ea ferenda super  
 humeros Levitarum, quam tamen legem pòst optimè  
 meminit (ita scilicet tota ecclesia errare potest.) Cum  
 (inquam) hoc suum & aliorum omnium (etiam ipso-  
 rum sacerdotum) erratum videret, omnes Israelitas  
 rursus congregavit ad idem negotiù peragendum. Pòst  
 etiam David distincturus quosdam ad sacra quadam  
 ministeria, non id fecit ex se solus, aut ex sacerdotum  
 tantùm consilio, sed principes quoque militiæ in hoc  
 opere sibi adjunxit. Nec Hezekia tantùm ipse solus,  
 sed principes etiam eius, cum tota congregatione inie-  
 runt consilium de celebrando Pascate mense secundò,  
 quia nō potuerunt illud celebrare mense primo secun-  
 dùm legem. Neque tamen hoc fecerunt ex cerebro  
 suo (quasi, ut blaterant Papistæ, ecclesiæ liceret legis præ-  
 stitum mutare) sed ex ipsius Dei autoritate, quia quod  
 mandaverat Deus de uno immundo qui propter im-  
 munditiam suam non esset idoneus ad Pasca celebra-  
 dum mense primo, id simili postulante ratione de tota  
 congregatione intelligendum. Ut clarissimus ille vir  
 ad serenissimam illam Reginam scripsit, ita utinam &  
 vos aliq; omnes concionaturi in aula Regia, aliisque  
 huius regni locis celeberrimis velitis eodem modo præ-  
 dicare, & elata voce tanquam tuba aut buccina clama-  
 re, & quasi intonare, ad Regis & Nobilium, aliorumq;  
 omnium procerù defectiones & peccata ipsis demon-  
 stranda.

1 Chron. 13,

1, 2.

1 Sam. 6, 7.

Num. 7, 9.

1 Chron. 15,

2, 11, &amp;c.

1 Chro. 25, 1

2 Chro. 2, 1

Exo. 12, 18.

Num. 28, 16

Num. 9, 9,

10.

1 Ai. 58, 1.

Exec. 33, 3.

stranda. Quo enim eminentiores ulli sunt, eo magis opus habent eiusmodi concionibus. Tum etiam & maior omnibus reverentia incuteretur, & tanta ad legem Dei speranda esset conformitas, quantam vos diu imposuistis ad humanas traditiones. Regis ad exemplum totus componitur orbis. Ita quoque & melius agnoscerent, quod etsi Deus ipse *ipsum Deum dixerit, & filios Altissimi, æquè tamen morituri sint, atq; plebei homines.* Si hunc liberum prædicandi modum negligatis, si dulcia tantum canatis, & eorum contritionem non curetis, *Ierem. 6, 14* sed dicatis semper Pax, Pax, etsi nulla sit pax, adeoque ipsos à peccato ad peccatum pergere sinatis, cavete ne vos alijq; eiusmodi concionatores ipsorum sanguinis *Ezech. 33, 6.* rei inveniamini, nec non & gladio & fame pereatis, *Ierem. 14, 15.* etiam in via: uncto autem suo & posteris suis caterisque magnatibus Deus aliunde salutem mittat, videlicet è sancto suo, ipsis calis. An vultis ipsorum esse pastores, & ipsos non pascere? An speculatores, & ipsos non admonere? An custodes, & ipsos negligere, obli- *Psal. 2, 12.* ti quomodo David Abnerum & alios cum Saule increpaverit, quòd Saulem melius non observassent, & pro- *Psal. 20, 2.* pterea reos mortis ipsos pronuntiaverit, vobis semper sperantes impunitatem? An non Regum & magnatum omnium animabus insidiantur plures & potentiores hostes, quàm ulli tum insidiati sunt vitæ Saulis?

35. Liceat etiam (quæso) mihi vestram precari gratiam, vel ex vobis ipsis, vel ex Regis gratia à vobis petita, pro majore populi liberrate ad verbum prædicatum, non tantum in parochiis suis audiendum, sed etiã aliis in locis, ex ore tam aliorum ministrorum quàm suorum: modò & modum & tempus observent, nec suis ministris concionantibus injuriam ullam faciant, nec speciales suas vocationes negligant. Deus prædixit

&

- &promisit his ultimis temporibus, pios alios alios hor-  
 taturus & provocaturos ad ascendendum in montem  
 Iehovæ, & in domum Iehovæ &c. & unius civitatis ha-  
 bitatores alteram adituros dicendo, *Eamus indefinenter*  
*ad deprecandum faciem Iehovæ, &c.* An hæc ad templum  
 tantum Hierosolymitanum pertinebant? Aut num  
 Deum qui mentiri nescit mendacem, aut promissi sui  
 oblitum facietis? An obliti estis & vos, *A diebus Iohan-*  
*nis regnum calorum vim passurum, & quemvis in illud vi-*  
*quadam irrupturum?* Vos obsecro, obsecro, ne hoc im-  
 pediatis. David sub lege lætatus est, sibi dici *Domum Ie-*  
*hovæ adeamus*, & nos sub Evangelio tam maligno &  
 malevolo animo erimus, ut hunc zelum aliis invidea-  
 mus? Sub Evangelio (inquam) quod lege & propheta-  
 rum omnium ministerio tantò est præstantius, quantiò  
 ipse Christus præstantior est tum Mose & Prophetis,  
 tum ipsis angelis? Imò, per quod in ipsa hïc ecclesia,  
 imperiis & potestatibus in coelis *nota fit multiformis sa-*  
*pientia Dei?* In quod deniq; ipsi *angeli desiderant intro-*  
*spicere.* Absit, Absit. Imò dicat quisq; Deum, &  
 Christum, & Zionem verè diligens, Apage, Apage, hanc  
 pessimam & diabolicam invidiam. Iubetur verbum  
 tam intempestivè quàm tempestivè prædicari. An non  
 & ita audiendum? Quomodo enim cum studio fidei  
 debet populus adjicere fortitudinem, & fortitudini (vel  
 Martiali virtuti) scientiam; ad fortitudinem nempe  
 moderandam: & in gratia & agnitione Domini nostri  
 Iesu Christi crescere, sine verbi prædicatione? Æquè  
 nunc atque unquam necessaria sanè est, imò & multo  
 magis, cessantibus jam magnis Apostolis, prophetis &  
 Evangelistis, nec nò & grassantibus ubiq; Iesuitis, aliisq;  
 erraticis errorum spiritibus, per quos & in quibus ob-  
 ambulat

ambulat ipse quoque diabolus, *querens quem possit dilaniare & devorare*. Dici non potest quantum sit peccatum *magnam illam salutem negligere*, quæ primum ab ipso Domino coeperit prædicari. An ergo leve est populi zelum extinguere? Christus dicit, *operemini cibo permansuro*, an vos dicetis, ne operemini? An satis idoneos ministros putatis esse qui inepti prorsus sunt ad docendum, & nihil possunt nisi legere; Imò & vix illud distinctè? An non tantò magis, & omnibus & singulis Christianis *tota illa armatura* opus est quam Paulus commendat, & quæ nusquam est invenienda nisi in verbo, quantò magis illi salutis humanæ adversarij, Satan ipse & Iesuitæ, alijq; eius satellites, ipsos ubique adoriuntur, & tanquam tum apes, tum etiam apri, & robusti juvenci (sive tauri) Baschanis undiq; circumdant, obsident, & oppugnant? Vt Patres ergo compellamini, & compellari vultis, ita in hac populo facienda libertate ad animarum suarum pabulum (Dei verbum) comparandum vos Patres demonstrate. Nec ipsi hac in re populi zelum invideatis, aut impediatis, nec alios invidere aut impedire patiamini. Quin potiùs tum de eo lætamini, tum eum quoque quantum poteritis, alite, fove, augere. Postremò quod ad meam apud vos supplicationem attinet, pro vestra ad Regiam Majestatem petitione, tum pro fratribus vestris verbi vobiscum ministris, tum pro aliis piis; quid si Regia Majestas hæc à vobis jam diu expectaverit? Ita profectò officij nostri ratio suadet ex charitate potiùs judicare, quàm ullo modo de Regia sua gratia dubitare.

36. Plura (Reverendissimi Patres & amplissimi viri) scribenda habui; & scribere apud me statueram, sed quia nimiam nolim vobis molestiam facere, proinde

hinc scribendi vela contraham, & pennæ meæ pedem figam, ne latius quàm par est expatietur. Si quæ ex Dei zelo, & charitate tum erga ecclesias hinc Dei, tum erga vos ipsos scripserim, vestram contra me iram irritaverint, ipsam tamen remittite, nec super eam solem occidere finite: quandoquidem *ira viri iustitiam Dei non exequatur*. Si quid in prioribus omnibus vel pro fratribus vestris, vel pro re ulla alia dictis occurrat minùs cautè dictum, id (humilimè obsecro) ne torqueatis vel ad fratres illos vestros duriùs tractandos: vel ad meipsum quærendum & persequendum. Hęc *κακωνθεία*, & omnium in malam partem interpretatio peccatū esto vel gentium nescientium Deum, vel malignorum illorum contra Christum testium, vobis autem, aliisq; omnibus Christum diligentibus longissimè absit. Solus profectò omnia scripsi: nec ullius ope usus, nec quenquam mihi à cōsiliis facere ausus, ne vel ipsi me ex infirmitate proderent, vel ego ipsos ex vestro contra me rigore, ullo modo proditus & inventus, in periculum mecum traherem. Quia multa contra Papiſtas dixi magis sanè ab ipsis, quàm à vobis metuens, nomen his scriptis non apposui, aut cuivis alij me revelavi, ne in manus ipsorum incidens, subitò & occultò perirem, omnibus nescientibus vel quid de me actum esset, vel quis mihi manus violentas & cruentas intulisset. Sunt enim supra alios omnes maximè viperini. Quod pro meipso peto, idem quoq; pro fratribus illis vestris peto, ne duriùs scilicet quàm par est singula ipsorum scripta accipiatis. Nam non soli tantum sæpe scribunt, sed libris etiam ferè omnibus destituti: vel eos vendere & mutare quadrata rotundis ad panem quotidianum sibi comparandum ex necessitate coacti, vel tum ab iis quos habent, tum ab ædibus suis ita pulsi, & (quasi) proſti-

gati,

Ephes. 4, 26.

Iacob. 1, 20.

Rom. 1, 29.

Math. 26,

49, 61.



gati, ut in scribendo eorum beneficio non possint frui. An autem artifex ullus sine artis suę instrumentis quicquam potest accuratè operari? An non & paritura mulier, in partu non habens alias sibi auxiliatrices, liberos sæpe parit mancos atq; mutilos, & ita in parte aliqua leſos, ut nulla unquam pòst arte perfectè possint curari? Ne ergo miremini si fratres vestri licet viri docti, ita scribentes ut antè dixi, libros aliquādo edant, & in vulgus emittant, nō tantum nō politos, & quoad formam accuratos, sed quibusdam etiam in rebus multò imperfectiores, quam ipsi velint, & vos pro magna vestra eruditione expectatis. Si quædam etiam ex magna illa vestra eruditione vel in his meis scriptis, vel in aliis aliorum vestrorū fratrum libris observaveritis, quæ emendari possint; imò, quæ fortasse justè sunt reprehendenda, propter hæc tamen quædam, ne rejiciatis omnia, Quis vel doctissimus in hac doctissima ætate hodiè quicquam potest scribere, quod ab aliquo non reprehendatur? Imò nemo vel doctissimorum opera accuratissimè scripta magis solet carpere & vellicare, quàm qui est ipse indoctissimus, & nec quicquam scribit, nec scribere potest. Sed ut eo redeam unde paululum sum digressus, ad vestram scilicet pro meipso gratiam deprecandam, si vestram contra me iram exilire patiamini, & ex justitiæ prætextu ad me investigandum quis sim & ubi degam autoritate vestra utamini, nec nō ex suspitione aliquo vestros nuntios mādatis vestris instructos emisieritis ad me persequendum (tanquam perdicem in monte) & coram vobis sistendum, illi fortasse vestri nuntij in alium aliquem incident, vel pro perdice invenient aut canem mortuum, aut pusillum pulicem, ex frigore ita maceratum, ut ex illo inter ungues compresso sanguinem ullum elicere non poterint. Pinguiore

1 Sam. 26,

20.

1 Sam. 24,

14.

fortasse & robustiore corpore videor quàm sum : quod tamen mortuum , ipsis quidem vermibus non tantam escam suppeditabit ; quantam ex corpore suo sperasse lepidè aliquando dixit clarissimus, ille Martyr Doctor Tailer. Et quid mea vobis proderit molestia ? Imò videte ne ea qua me vel ullum ex vestris illis fratribus ignominia afficitis vestra magis sit , quàm mea aut vestrorum illorum fratrum. Imò videte, ne mea & illorum ignominia, aliisque molestiis , ipsis Papistis gratificemini , & triumphandi causam præbeatis, quasi scilicet per vos maliciam , indignationem , & vindictam contra nos suam executis. Imo videte , ne dum me & vestros illos fratres persequi pergitis, nomen ipsius Dei & doctrinam, tum à Papistis, tum ab aliis omnibus impiis faciatis blasphemari, nec non & multos infirmos , & (quasi) heri renatos, (quantum in vobis est) ab Evangelio arceatis, aut ita spiritum ipsis frangatis aut enervetis, ut animum despondeant , & cum primoribus illis Iudeorum non audeant propter vos ita Christi nomen profiteri ut oportet, ne scilicet per vos aut vestros synagogis vestris moveantur , aut aliquod aliud molestiæ genus patiantur. An etiam putatis quicquam vobis lucri fore ex vestra illa Papistarum gratificatione , aut ulla aliâ facta ipsis benignitate , si quando (quod absit) voti sui compotes fiant , & contra tum vos tum alios hîc pios prævaluerint ? Heu , quantum fallimini ? Etiam si vobis quicquam promiserint , an fidem tamen præstabunt ? Nihil minùs. Pro hæreticis nos omnes habent : & nullam cum hæreticis fidem tenendam mordicus tenent. Imò vos fortasse duriores ipsos sentietis quàm alij. Si hæc omnia vestram contra me iram ex præmissis accensam non poterint sedare , quin me velitis venari ad captum , memineritis quid

sponderit Ieremia, ad sui temporis sacerdotes & prophetas, & me posse idem vobis dicere cogitate; Imm. 26, 14. nihil siquidem conscius mihi sim me locutum, nisi quod justè & verè loqui potuerim: & quod nunc dici vos ipsi opus habueritis.

37. Quid dicam præterea? Quicquid feceritis, quod antè dixi, id nunc repeto; ut semper pro vobis precatus sum, ita absit mihi, in Ichovam peccare, & non semper pro vobis precari. Quid autem precabor? *Pater remitte eis.* Non quod nesciatis quid feceritis aut faciatis, sed quia quantò Lucæ 23, 24 major vestra est sapientia, tantò quoque & majus vestrum est periculum, nisi interim sapueritis, & prævidentes malum vos ab eo absconderitis. Luc. 12, 47 Prov. 22, 3. Quomodo enim potestis ignorare quod tam sæpè multorum doctissimorum virorum scriptis, tum ex nostra Ecclesia, tum ex aliis omnibus Ecclesiis reformatis ita demonstratum est, ut cælum & terra priùs sint ruitura, quam poterit illorum veritas labefactari. Deum tamen Optimum Maximum precor, *non congregari vobiscum iudicio, nec ira sua vos reprehendere*, sed gratiam vobis facere ad veram omnium vestrorum operum contra Euangelium & fratres vestros resipiscuntiam. Imò & hoc sperans vestras quoque pro meipso preces ipse precor. Pro fratribus quoque illis vestris, quos tantopere vobis hætenus commendavi orate, ut qui dicere possint ipsos confidere *se bonam conscientiam habere, in omnibus cupientes honestè conversari.* Psal. 143, 1. Psal. 6, 1, 2. Hebr. 13, 18. Pro Serenissimo inprimis Rege, & pro Regia ipsius sobole tantò ardentius precamini, quantò astutius Papistæ religiosos ipsorum animos aucupantur, & suis laqueis illecebrisque omnibus modis quærunt & dies noctesque machinantur irritare, & quasi fascinare

- Galat. 3, 1. ne ampliùs veritati obsequantur, sed post multam ex veritate gloriam à veritate averſi, ad ipſos & diabolicos ipſorum errores trahantur; ut aliquando eiufmodi artibus uſi Principes Iehudæ, poſt mortem Iehojadahhi ad Ioſſchum venerunt & ſeſe ipſi incurvantes, tum à vero Dei cultu ipſum ad idololatriam abduxerunt, tum ita contra veritatem obdurarunt, ut non tantum non præbuerit aurem prophetis à Deo miſſis ad revocandum ipſum & populum ſuum ad Iehovam, ſed Zachariam etiam, filium illius Iehojadahhi, qui ipſum ad Regium ſolum evexerat, ipſum de transgreſſione reprehendentē, lapidibus obrui mandaverit, ad ſuiipſius ſtatim ruinam. Hac in re precabor etiam & ego vobiscum; Imo precentur & omnes, & dicant, *Exaudiat ipſos Iehova tempore anguſtiæ ipſorum. Ipſos in edito collocet Nomen Dei Iahhakobi.* & ruruſ, *O Deus, judicia tua dato Regi, & juſtitiam tuam filio Regis. Indicet populum tuum juſtè, & pauperes tuos jure, &c.* Et pro Sereniſſima Domina Elizabetha, cum Illuſtriſſimo Comite Palatino ad Rhenum, nunc inprimis ipſis utriſque tot habentibus malitioſiſſimos hoſtes, *Sit ipſa eidem Comiti (in vitis omnibus ipſorum hoſtibus) ut vitis fructifera ad latera domus ipſius: filij ipſorum ut planta olearum circumſtantes menſam ipſorum:* Nec non etiam, *Sit potens in terris ſemen eorum, & benedicatur etiam eorum generatio.* Et pro eccleſia, ut inprimis hic in Anglia, Scotia & Hibernia, ita etiam in Comitatu Palatino ad Rhenum, & in Gallia (præſertim nunc) & alibi ubicunque, *Sit pax in præmunitione tua, tranquillitas in palatiis tuis; & confirmet Deus veſtes portarum tuarum (contra portas inferorum, & Pontificiorum omnium) & benedicat filiis tuis in mediotui.* Et, *Ne recorderis adverſus nos iniquitates præcedentium temporum (ſic nec præſentium) feſtinan-*

ter praeveniant nos misericordia tua, nam attenuati sumus  
 valde: auxiliare nobis Deus salutis nostra, propter hono-  
 rem nominis tui, & eripe nos. Expiationem fac de peccatis  
 nostris propter nomen tuum: & rursus, Parce Iehova po- Isa. 2, 17.  
 pulo tuo, & ne exponas possessionem tuam opprobrio, ut do-  
 minentur in eos gentes (vel Antichristus Romanus, vel  
 alij) Cur dicerent in populis, ubi est Deus ipsorum. Postre-  
 mò contra illum Antichristum Romanum, eiusque  
 nunc pugiles quoscunque, & ubicunque: nec non &  
 alios Dei & Christi sui inimicos omnes dicite, Ne obli- Psal. 74, 23.  
 viscaris vocis hostium tuorum: strepitus insurgentium in  
 te augeſcentis jugiter: & denique, Effunde æſtum tuum Psal. 79, 6.  
 in eas gentes quæ non agnoverunt te, & super regna quæ  
 nomen tuum non invocant: qualia sunt regna omnia An-  
 tichristiana. Pax autem & misericordia ſit super omnes Gala. 6, 16.  
 ambulantes ſecundum regulam Apoſtolorum, & super If- v. 8.  
 raelem Dei: & gratia Domini noſtri Ieſu Chriſti ſit  
 cum ſpiritu veſtro Patres, & Fratres,

Amen.

Soli ſapienti Deo gloria, per Ieſum Chriſtum  
 in ſecula. Amen.

Rom 16, 27,

Veri veſtri Honoriſ verè ſtudioſus

Θεόφιλε Φιλάδελφο.

F I N I S.

## ERRATA

*aliqua typographica sic corrigat*

Lector benignus.

Pagina 4, lin. 10 gloriaturam. pag. 5, l. a f. 11 affluitis. pa. 8  
lin. 17 vobiscum. pag. 9, lin. a f. 6 metuendum. pag. 13  
med. Anne. pa. 27, l. a fine 8 sint. pa. 33 med. patronorum.  
pag. 35 med. Diabolicam. pag. 35 l. a f. 5 societate. pag. 38  
med. modum. pag. 40 med. quandam. pag. 41 lin. a fine 4  
futuram. pag. 46 lin. 13 caput pag. 63 med. adulatoribus.  
pag. 70 lin. 9 cum. lin. 11 exciandum.



